

Volume III
No. 31



Thursday
18th January, 1962

PARLIAMENTARY DEBATES

DEWAN RA'AYAT
(HOUSE OF REPRESENTATIVES)

OFFICIAL REPORT

CONTENTS

THE SUPPLY BILL, 1962—

Committee of Supply (Seventh Allotted Day)

Head 15 [Col. 3169]

Heads 16, 17 and 18 [Col. 3251]

FEDERATION OF MALAYA

DEWAN RA'AYAT

(HOUSE OF REPRESENTATIVES)

Official Report

Third Session of the First Dewan Ra'ayat

Thursday, 18th January, 1962

The House met at Ten o'clock a.m.

PRESENT:

- The Honourable Mr. Speaker, DATO' HAJI MOHAMED NOAH BIN OMAR, S.P.M.J., D.P.M.B., P.I.S., J.P.
- .. the Prime Minister and Minister of External Affairs, Y.T.M. TUNKU ABDUL RAHMAN PUTRA AL-HAJ, K.O.M. (Kuala Kedah).
- .. the Deputy Prime Minister, Minister of Defence and Minister of Rural Development, TUN HAJI ABDUL RAZAK BIN DATO' HUSSAIN, S.M.N. (Pekan).
- .. the Minister of Finance, ENCHE' TAN SIEW SIN, J.P. (Melaka Tengah).
- .. the Minister of Agriculture and Co-operatives, ENCHE' ABDUL AZIZ BIN ISHAK (Kuala Langat).
- .. the Minister of Health and Social Welfare, DATO' ONG YOKE LIN, P.M.N. (Ulu Selangor).
- .. the Minister of Commerce and Industry, ENCHE' MOHAMED KHIR BIN JOHARI (Kedah Tengah).
- .. the Minister of Labour, ENCHE' BAHAMAN BIN SAMSUDIN (Kuala Pilah).
- .. the Assistant Minister of Education, ENCHE' ABDUL HAMID KHAN BIN HAJI SAKHAWAT ALI KHAN, J.M.N., J.P. (Batang Padang).
- .. the Assistant Minister of Rural Development, TUAN HAJI ABDUL KHALID BIN AWANG OSMAN (Kota Star Utara).
- .. the Assistant Minister of Labour, ENCHE' V. MANICKAVASAGAM, J.M.N., P.J.K. (Klang).
- .. the Assistant Minister of the Interior, ENCHE' MOHAMED ISMAIL BIN MOHAMED YUSOF (Jerai).
- .. ENCHE' ABDUL GHANI BIN ISHAK, A.M.N. (Melaka Utara).
- .. ENCHE' ABDUL RAUF BIN A. RAHMAN, P.J.K. (Krian Laut).
- .. ENCHE' ABDUL SAMAD BIN OSMAN (Sungai Patani).
- .. TUAN HAJI ABDULLAH BIN HAJI ABDUL RAOF (Kuala Kangsar).

- The Honourable TUAN HAJI ABDULLAH BIN HAJI MOHD. SALLEH, A.M.N.,
P.I.S. (Segamat Utara).
- „ TUAN HAJI AHMAD BIN ABDULLAH (Kota Bharu Hilir).
- „ ENCHE' AHMAD BIN ARSHAD, A.M.N. (Muar Utara).
- „ ENCHE' AHMAD BOESTAMAM (Setapak).
- „ ENCHE' AHMAD BIN MOHAMED SHAH, S.M.J. (Johor Bahru Barat).
- „ TUAN HAJI AHMAD BIN SAAID (Seberang Utara).
- „ ENCHE' AHMAD BIN HAJI YUSOF, P.J.K. (Krian Darat).
- „ TUAN HAJI AZAHARI BIN HAJI IBRAHIM (Kubang Pasu Barat).
- „ ENCHE' AZIZ BIN ISHAK (Muar Dalam).
- „ DR. BURHANUDDIN BIN MOHD. NOOR (Besut).
- „ ENCHE' CHAN CHONG WEN, A.M.N. (Kluang Selatan).
- „ ENCHE' CHAN SIANG SUN (Bentong).
- „ ENCHE' CHAN SWEE HO (Ulu Kinta).
- „ ENCHE' CHAN YOON ONN (Kampar).
- „ ENCHE' CHIN SEE YIN (Seremban Timor).
- „ ENCHE' V. DAVID (Bungsar).
- „ DATIN FATIMAH BINTI HAJI HASHIM, P.M.N. (Jitra-Padang Terap).
- „ ENCHE' GEH CHONG KEAT (Penang Utara).
- „ ENCHE' HANAFI BIN MOHD. YUNUS, A.M.N. (Kulim Utara).
- „ ENCHE' HARUN BIN ABDULLAH, A.M.N. (Baling).
- „ ENCHE' HARUN BIN PILUS (Trengganu Tengah).
- „ TUAN HAJI HASAN ADLI BIN HAJI ARSHAD (Kuala Trengganu Utara).
- „ TUAN HAJI HASSAN BIN HAJI AHMAD (Tumpat).
- „ ENCHE' HASSAN BIN MANSOR (Melaka Selatan).
- „ ENCHE' HUSSEIN BIN To' MUDA HASSAN (Raub).
- „ ENCHE' HUSSEIN BIN MOHD. NOORDIN, A.M.N., P.J.K. (Parit).
- „ TUAN HAJI HUSSAIN RAHIMI BIN HAJI SAMAN (Kota Bharu Hulu)
- „ ENCHE' IBRAHIM BIN ABDUL RAHMAN (Seberang Tengah).
- „ ENCHE' ISMAIL BIN IDRIS (Penang Selatan).
- „ ENCHE' KANG KOCK SENG (Batu Pahat).
- „ ENCHE' K. KARAM SINGH (Damansara).
- „ CHE' KHADIJAH BINTI MOHD. SIDEK (Dungun).
- „ ENCHE' KHONG KOK YAT (Batu Gajah).
- „ ENCHE' LEE SAN CHOON (Kluang Utara).
- „ ENCHE' LEE SECK FUN (Tanjong Malim).
- „ ENCHE' LEE SIOK YEW, A.M.N. (Sepang).
- „ ENCHE' LIU YOONG PENG (Rawang).
- „ ENCHE' T. MAHIMA SINGH, J.P. (Port Dickson).

The Honourable ENCHE' MOHAMED BIN UJANG (Jelebu-Jempol).

- „ ENCHE' MOHAMED ABBAS BIN AHMAD (Hilir Perak).
- „ ENCHE' MOHAMED ASRI BIN HAJI MUDA (Pasir Puteh).
- „ ENCHE' MOHAMED DAHARI BIN HAJI MOHD. ALI (Kuala Selangor).
- „ DATO' MOHAMED HANIFAH BIN HAJI ABDUL GHANI, P.J.K. (Pasir Mas Hulu).
- „ ENCHE' MOHAMED SULONG BIN MOHD. ALI, J.M.N. (Lipis).
- „ ENCHE' MOHAMED YUSOF BIN MAHMUD, A.M.N. (Temerloh).
- „ TUAN HAJI MOKHTAR BIN HAJI ISMAIL (Perlis Selatan).
- „ ENCHE' NIK MAN BIN NIK MOHAMED (Pasir Mas Hilir).
- „ ENCHE' NG ANN TECK (Batu).
- „ ENCHE' OTHMAN BIN ABDULLAH (Tanah Merah).
- „ ENCHE' OTHMAN BIN ABDULLAH, A.M.N. (Perlis Utara).
- „ TUAN HAJI REDZA BIN HAJI MOHD. SAID (Rembau-Tampin).
- „ ENCHE' SEAH TENG NGIAB (Muar Pantai).
- „ ENCHE' D. R. SEENIVASAGAM (Ipoh).
- „ ENCHE' S. P. SEENIVASAGAM (Menglembu).
- „ TUAN SYED ESA BIN ALWEE, J.M.N., S.M.J., P.I.S. (Batu Pahat Dalam).
- „ TUAN SYED HASHIM BIN SYED AJAM, A.M.N., P.J.K. (Sabak Bernam).
- „ TUAN SYED JA'AFAR BIN HASAN ALBAR, J.M.N. (Johor Tenggara).
- „ ENCHE' TAJUDIN BIN ALI, P.J.K. (Larut Utara).
- „ ENCHE' TAN CHENG BEE, J.P. (Bagan).
- „ TENGKU BESAR INDERA RAJA IBNI AL-MARHUM SULTAN IBRAHIM, D.K., P.M.N. (Ulu Kelantan).
- „ DATO' TEOH CHZE CHONG, D.P.M.J., J.P. (Segamat Selatan).
- „ ENCHE' TOO JOON HING (Telok Anson).
- „ ENCHE' V. VEERAPPEN (Seberang Selatan).
- „ WAN SULAIMAN BIN WAN TAM, P.J.K. (Kota Star Selatan).
- „ WAN YAHYA BIN HAJI WAN MOHAMED (Kemaman).
- „ ENCHE' YAHYA BIN HAJI AHMAD (Bagan Datoh).
- „ ENCHE' YEOH TAT BENG (Bruas).
- „ ENCHE' YONG WOO MING (Sitiawan).
- „ PUAN HAJJAH ZAIN BINTI SULAIMAN, J.M.N., P.I.S. (Pontian Selatan).
- „ TUAN HAJI ZAKARIA BIN HAJI MOHD. TAIB (Langat).
- „ ENCHE' ZULKIFLEE BIN MUHAMMAD (Bachok).

ABSENT:

The Honourable the Minister of Internal Security and Minister of the Interior,
 DATO' DR. ISMAIL BIN DATO' HAJI ABDUL RAHMAN,
 P.M.N. (Johor Timor).

- The Honourable the Minister of Works, Posts and Telecommunications, DATO' V. T. SAMBANTHAN, P.M.N. (Sungai Siput).
- „ DATO' SULEIMAN BIN DATO' HAJI ABDUL RAHMAN, P.M.N. (Minister without Portfolio) (Muar Selatan) (*On leave*).
- „ the Minister of Transport, DATO' SARDON BIN HAJI JUBIR, P.M.N. (Pontian Utara).
- „ the Minister of Education, ENCHE' ABDUL RAHMAN BIN HAJI TALIB (Kuantan).
- „ the Assistant Minister of Commerce and Industry, ENCHE' CHEAH THEAM SWEE (Bukit Bintang).
- „ ENCHE' HAMZAH BIN ALANG, A.M.N. (Kapar).
- „ ENCHE' LIM JOO KONG (Alor Star).
- „ ENCHE' LIM KEAN SIEW (Dato Kramat).
- „ DR. LIM SWEE AUN, J.P. (Larut Selatan).
- „ ENCHE' MOHAMED NOR BIN MOHD. DAHAN (Ulu Perak).
- „ DATO' ONN BIN JA'AFAR, D.K., D.P.M.J. (Kuala Trengganu Selatan).
- „ ENCHE' QUEK KAI DONG, J.P. (Seremban Barat).
- „ ENCHE' TAN KEE GAK (Bandar Melaka).
- „ ENCHE' TAN PHOCK KIN (Tanjong).
- „ ENCHE' TAN TYE CHEK (Kulim-Bandar Bahru).
- „ WAN MUSTAPHA BIN HAJI ALI (Kelantan Hilir).

IN ATTENDANCE:

The Honourable the Minister of Justice, TUN LEONG YEW KOH, S.M.N.

PRAYERS

(Mr. Speaker *in the Chair*)

BILL

THE SUPPLY BILL, 1962

Order read for resumed consideration in Committee of Supply (Seventh Allotted Day).

House immediately resolved itself into Committee of Supply.

(Mr. Speaker *in the Chair*)

SCHEDULE

Head 15—

Resumption of debate on Question:

That the sum of \$223,513,335 for Head 15 stand part of the Schedule.

Question again proposed.

Mr. Chairman: Ahli² Yang Berhormat, mengikut Peratoran Majlis Meshuarat, Majlis ini boleh membahathkan segala perbelanjaan Rang Undang² Perbekalan bagi tahun hadapan mengikut Jadual di-untukkan sa-lama 2 minggu sahaja. Maka sa-hingga hari ini ia-itu hari yang ketujuh kita baharu sampai kepada Head 14, dan ada lagi beberapa Head di-belakang-nya sa-hingga Head 64. Maka di-sini saya merayu-lah kepada Ahli² Yang Berhormat supaya memendekkan sadikit ucapan sa-berapa boleh, dan chuba-lah jangan di-ulang² segala perkara yang telah di-bangkitkan dalam beberapa hari dahulu supaya dapat kita menghabiskan ka-semua perbelanjaan mengikut masa sa-bagaimana dalam Jadual ini yang di-tetapkan oleh Peratoran Majlis Meshuarat.

Enche' Mohamed Yusof bin Mahmud (Temerloh): Tuan Pengerusi, menyambong ucapan saya sa-malam, saya mengambil bahagian untuk berchakap berkenaan dengan Examination Expenses yang telah di-untukkan \$600,000. Saya berasa sedih memandangkan anak² kita banyak sangat yang tidak lulus peperiksaan dalam masa 2-3 tahun ini. Jadi oleh sebab tidak lulus itu saya hendak tahu apa-kah sebab-nya? Pada hal kalau kita selideki segala rekod lama tentang murid² yang tidak lulus peperiksaan boleh di-katakan sangat kurang—boleh di-katakan ka-bawah daripada 10 peratus, tetapi pada masa ini murid² yang tidak lulus tidak kurang daripada 40 peratus. Pada fikiran saya sebab-nya yang besar, Tuan Pengerusi, ia-lah dengan ada-nya chara menaikkan murid² itu dengan tidak ada peperiksaan—tidak ada pepereksaan naik darjah. Saya suka memberi satu chontoh ia-itu sa-orang murid darjah I pada tahun ini, barangkali oleh sebab sakit sampai 6-7 bulan yang mana murid ini tidak dapat mengejar pelajaran dalam darjah I, tetapi pada tahun kedua dengan sendiri ia di-naikkan darjah II. Oleh sebab ia tidak ada asas (foundation) dalam tahun yang pertama, maka tentu-lah ia susah hendak mengejar pelajaran tahun yang kedua, dan sampai ka-darjah IV murid² ini tidak dapat mengejar pelajaran² itu. Ini-lah sebab-nya murid² tidak lulus dalam peperiksaan. Jadi, Tuan Pengerusi, saya harap dapat di-timbangkan samula, ia-itu mengadakan peperiksaan tiap² tahun, dan di-bolehkan murid² yang tidak lulus itu di-bolehkan murid² itu belajar sa-tahun lagi di-sekolah² yang kurang ramai. Saya fikir dengan chara ini keputusan peperiksaan pada masa hadapan akan baik. Yang kedua, Tuan Pengerusi, ada di-antara murid² darjah IV dalam sekolah kebangsaan umur-nya kurang. Pada tahun dahulu di-nasihatkan oleh Guru Besar-nya murid² ini tidak payah masuk peperiksaan darjah IV, tetapi pada tahun ini apabila murid² ini hendak belajar telah di-nasihatkan berhenti terus, kerana murid² ini tidak

masuk peperiksaan, dan tidak di-benarkan belajar lagi. Jadi ini dua nasihat yang sangat bertentangan, tahun dahulu di-nasihatkan jangan masuk peperiksaan, kerana umur-nya rendah, tetapi pada tahun ini apabila murid² itu hendak belajar, di-nasihatkan tidak boleh belajar, kerana murid² ini tidak masuk peperiksaan. Jadi di-sini-lah saya harap mendapat pertimbangan, kerana perkara ini banyak terjadi dalam sekolah kebangsaan. Dan begitu juga ada murid² sekolah yang di-benarkan murid ini masuk peperiksaan tetapi umur-nya maseh rendah satu tahun, kemudian dia tidak lulus, jadi saya harap murid ini boleh belajar lagi sa-tahun untuk menyamai dengan umur-nya dalam darjah yang dia belajar itu.

Tuan Yang di-Pertua, saya berjangkit kepada Sub-head 15 Maintenance of Fully Assisted Schools dimuka 99 dan juga Sub-head 50 Item (5) Grants to Primary Schools. Saya perhatikan, Tuan Yang di-Pertua, saya ambil satu perkara berkenaan dengan sekolah² orang Asli. Saya perhatikan ia-itu pejabat orang Asli ini mengasingkan anak² orang Asli daripada di-masokkan di-sekolah² kebangsaan kita, pada hal di-tempat²-nya berdekatan dengan sekolah² kebangsaan tetapi pejabat orang Asli ini memang sengaja di-asingkan dengan di-adakan sekolah khas pula—sekolah kebangsaan yang menggunakan bahasa kebangsaan bagi anak² orang Asli. Jadi, rasa saya dasar ini tentu-lah tidak sesuai lagi kerana kita berkehendakkan orang² Asli ini berchampur gaul dengan bangsa kita, jangan-lah di-fikirkan dia itu patut di-asingkan. Dengan chara ini kita akan menuju-lah kepada mutalimat yang kita tuju ia-itu satu bangsa dalam Persekutuan Tanah Melayu.

Yang kedua-nya, pejabat orang Asli ini membuat sekolah² tetapi guru²-nya di-bagikan oleh Pejabat Pelajaran. Ada sekolah di-dirikan tetapi guru²-nya tidak ada, ini terjadi dalam daerah saya. Apakah jadi, saya tengok rumah sekolah itu habis

kerana guru-nya tidak ada. Jadi, saya rasa molek-lah dasar pelajaran ini disatukan di-bawah Kementerian Pelajaran sahaja tidak-lah di-asingkan satu pejabat orang Asli pula. Satu lagi yang saya fikirkan di-tempat² yang jauh umpama-nya dengan tidak ada berdekatan dengan sekolah kebangsaan, saya ingat ini ada kesulitan-nya sadikit. Saya berkehendakkan guru² ini hendak-lah di-beri dan jangan-lah di-buat sekolah tetapi guru²-nya ta' ada. Akhir-nya sekolah itu rosak dan sa-bagai-nya ini akan merugikan. Saya dengar juga chadangan daripada pejabat ini hendak membuat sekolah menengah khas bagi anak² orang Asli di-Kuala Lumpur. Jadi, saya rasa, ini tidak-lah sesuai lagi kerana di-Kuala Lumpur, kita ada sekolah menengah kebangsaan. Anak² murid ini mesti-lah di-masokkan di-sekolah itu dan jangan-lah di-lainkan, orang² Asli lain pula sekolah kebangsaan-nya dan orang kita lain pula sekolah kebangsaan-nya. Saya minta-lah perkara ini di-perhatikan oleh Kementerian ini.

Tuan Yang di-Pertua, saya beraleh pula kepada muka 101 ia-itu di-Sub-head 50, Item (8) Grants to Sekolah² Lanjutan Kampong. Ini satu Anggaran Perbelanjaan yang baharu pada tahun ini. Jadi, saya mengalu²kan perbelanjaan ini untuk murid² yang lulus yang umur-nya lebeh daripada untuk memasoki darjah sekolah² menengah. Perkara ini baharu sahaja di-jalankan dan sudah tentu-lah mendapat kesulitan atau menerima segala tegoran² atau kesusahan² daripada ibu-bapa kerana kita tidak dapat mengadakan dengan sa-penoh-nya. Saya harap sa-boleh-nya di-adakan sekolah di-tempat² yang banyak murid²-nya yang tidak dapat belajar oleh sebab umur-nya lebeh dan oleh sebab tidak lulus masok ka-sekolah menengah. Tetapi dalam pada itu saya rasa, kalau tidak silap saya, kalau silap saya minta di-betulkan ia-itu Sekolah Lanjutan Kampong ini chuma di-khaskan dua tahun sahaja. Saya dapat tahu sungguh pun kita sudah luluskan dasar ini tetapi saya dapat satu rayuan daripada orang ramai di-daerah saya meminta saya merayu kepada Kerajaan supaya

di-tambah lagi sa-tahun. Jadi, dengan tiga tahun ini saya rasa murid² yang masok ka-Sekolah Lanjutan Kampong ini berpeluang-lah mereka itu mengambil peperiksaan pergi ka-sekolah menengah. Sebab apa, selepas tiga tahun barangkali umur-nya akan sama dan barangkali mereka boleh memasoki balek sekolah kebangsaan. Kerana di-dalam peperiksaan, Tuan Yang di-Pertua, kita belum tahu lagi ada-kah murid² itu bodoh dengan satu peperiksaan sahaja. Saya rasa oleh sebab kita tidak ada tempat atau sekolah dan sa-bagai-nya jadi kita terpaksa ke-luarkan budak² itu. Saya berharap di-beri peluang balek mereka itu yang masok dalam sekolah lanjutan tadi di-benarkan masok peperiksaan untuk sekolah menengah jika umur-nya cukup. Saya perchaya anak² murid kita yang tidak lulus ini oleh kerana tekun-nya dia dan sedar-nya dia tidak lulus, dia akan bekerja kuat dan boleh mereka masok balek sekolah menengah itu. Oleh sebab saya katakan begitu banyak pembesar² atau penganjor² dalam dunia pada mula-nya tidak-lah mempunyai kelayakan yang tinggi tetapi kemudian-nya dia boleh meningkat tinggi dengan sebab kerja kuat kerana dia tidak lulus waktu dia di-bawah lagi.

Sekarang saya berjangkit ka-Sub-head 51 Grants for Religious Instruction in Assisted Primary, Post Primary and Secondary Schools. Di-sini, Tuan Yang di-Pertua, saya memberikan pandangan bila mengadakan guru² untuk mengajar agama di-sekolah², saya berharap guru² ini hendak-lah mendapat kebenaran terus daripada Majlis Ugama daripada tiap² negeri. Sebab, saya takut; kita sudah banyak terbacha dalam surat² khabar bermacham² fahaman, ada persatuan saperti Tarikat Sufiah dan sa-bagai-nya yang akan memecahkan kita orang² Islam. Jadi, saya ingat guru² ini biar-lah di-luluskan oleh Majlis Ugama di-tiap² negeri sa-belum dia jadi guru dan masok mengajar untuk sekolah² agama yang di-chadangkan oleh Kerajaan, kita takut perpechahan di-antara kita. Jadi, apa yang mesti

kita buat, apa yang di-luluskan oleh negeri itu, itu sahaja kita harapkan boleh memimpin anak² kita pada masa hadapan.

Di-muka 103 Sub-head 88 Scholarships. Saya hendak berchakap berkenaan dengan scholarship bagi anak Melayu yang dapat scholarship ini. Saya harap mendapat perhatian dari Kementerian ini ia-itu satu kesulitan yang di-hadapi oleh anak² Melayu kita yang mengambil bahagian Science. Dalam Science ini terpaksa-lah murid² kita ini membeli buku² yang mahal². Saya perchaya ibu-bapa mereka itu tidak boleh atau tidak mampu untuk membeli buku² ini. Bayaran scholarship pada masa ini tidak mencukupi untuk mesarakan mereka itu untuk membeli buku² ini. Jadi, saya berharap kepada Kementerian ini dapat di-timbangkan ia-itu murid² yang mengambil bahagian Science ini di-lebihkan bayaran scholarship-nya untuk membolehkan mereka ini membeli buku² yang mahal itu.

Bagitu juga berkenaan dengan University Tanah Melayu, sa-bagaimana chadangan semalam oleh Yang Berhormat dari Larut Utara ia-itu meminta supaya Kerajaan menimbang-kan memberi peruntokan yang khas kepada anak² Melayu oleh sebab kekurangan sangat anak² Melayu kita masok dalam University. Jadi, di-sini saya minta-lah quota itu hendak-lah di-tambahkan oleh sebab anak² kita ini tidak dapat bertanding dengan anak² orang lain oleh sebab orang² lain itu ibu-bapa-nya mampu kerana ada wang untuk memberi didekan kepada anak² mereka itu lebeh tinggi dalam pelajaran. Tetapi oleh sebab orang kita miskin maka tidak-lah berupaya memberi pelajaran anak²-nya. Dengan chara ini nanti banyak yang akan lulus dalam Post-School Certificate yang membolehkan mereka itu masok University. Jadi, saya perchaya banyak anak² Melayu boleh masok belajar dalam bahagian University Tanah Melayu.

Penyudah-nya sa-kali, Tuan Yang di-Pertua, saya suka-lah berchakap berkenaan dengan ucapan Yang

Berhormat wakil dari Telok Anson. Saya tidak berasa puas hati kalau saya tidak berchakap di-atas hal ini. Saya memberi peluang kepada Ahli Yang Berhormat tadi kalau dia memikirkan panas, sa-bagaimana dahulu, dia sa-belah Parti Perikatan dia terpaksa mengambil tindakan untuk beraleh ka-tempat yang sejok, maka dunia kita ini luas, terima kaseh.

Che' Khadijah binti Mohd. Sidek (Dungun): Tuan Pengerusi, di-dalam soal ini saya juga menguchapkan satinggi² terima kaseh kerana bertambah-nya belanjawan di-dalam Kementerian Pelajaran pada tahun ini. Sebab dengan jalan bertambah ini-lah maka akan banyak memberikan tambahan kemajuan bagi anak² kita. Saya suka mengambil peluang di-muka 99, Tuan Pengerusi, dalam soal Further Education, peruntokan sa-banyak \$20,000 di-sini saya suka memberi perhatian terhadap guru² sementara dalam negeri ini. Tuan Pengerusi, banyak di-antara anak² muda kita ini di-ambil sa-bagai guru² buat sementara dan apabila datang masa-nya mereka itu akan di-berhentikan dan mereka terpaksa berhenti dengan bagitu sahaja, sa-bagaimana pada masa yang sudah² di-sini juga di-adakan peruntokan untuk office boy belajar malam untuk menambah ilmu pengetahuan pemuda² kita. Saya berharap kepada Kementerian Pelajaran ini supaya di-masokkan di-dalam Sub-head ini ia-itu memberi mereka belajar sementara mereka itu di-dalam jawatan-nya ia-itu di-berikan peruntokan untuk mereka menambahkan pengetahuan-nya sa-hingga boleh menjadi sa-bagai guru² yang tetap. Kerana mereka itu ada mempunyai kebolehan untuk menjadi guru dan mereka tidak-lah berharap² dengan gaji \$90 atau \$100 sahaja kerana di-antara mereka² itu sudah kahwin dan mempunyai anak-pinak. Sa-sudah beberapa lama mereka bekerja sa-bagai guru kemudian mereka di-berhentikan dan tidak mendapat apa² jawatan lagi. Jadi, dengan chara melanjutkan atau memberi pelajaran sa-bagai yang di-berikan

kapada office boy itu akan memberikan kesempatan kepada mereka untuk menambahkan ilmu pengetahuan sehingga mereka dapat memajukan diri-nya dan juga menchari pekerjaan yang lain sa-kira-nya mereka di-berhentikan. Saya harap usaha² ini dapat di-laksanakan kerana saya berasa sangat dukachita terhadap nasib guru² sementara itu dan pula boleh di-katakan 100% guru² itu daripada bangsa Melayu. Saya sa-bagai sa-orang ibu dari bangsa Melayu merasa sangat sedeh dan dukachita dalam soal ini sebab itu saya merayu pehak Kementerian supaya adakan-lah dan beri-lah mereka peluang dalam Further Education atau teachers training ini.

Tuan Pengerusi, sa-sudah itu saya masok kapada muka 102, Sub-head 58 ia-itu Part-time Teachers of Language, Science and Domestic Science yang di-adakan peruntokan sa-banyak \$941,000. Saya suka mengambil perhatian dalam soal Domestic Science ini, Tuan Pengerusi, saya nampak memang-lah Kerajaan terpaksa mengadakan peruntokan dalam soal Domestic Science ini, tetapi peruntokan ini saya berpendirian sa-akan² hanya melepaskan batok di-tangga sahaja. Sebab saya sa-bagai sa-orang wanita saya merasa yang sa-harus-nya hendak-lah Kerajaan kita mengadakan pelajaran Domestic Science ini di-sekolah² rendah. Tetapi saya melihat di-dalam peruntokan pada tahun ini belum juga ada lagi sekolah² yang mengadakan pelajaran² yang saya katakan itu. Sa-benar-nya di-dalam Meshuarat Budget tahun 1959 telah pun saya kemukakan soal ini di-Dewan yang bertuah ini, tetapi belum mendapat apa² perhatian lagi, pada tahun 1960 lagi sa-kali saya kemukakan, yang ada berubah sadikit, Tuan Yang di-Pertua, Kerajaan hendak mengadakan Sekolah Lanjutan Kampong bagi anak² perempuan. Alhamdu lillah ada berganjak sadikit. Tetapi Tuan Yang di-Pertua, saya maseh belum merasa puas hati lagi sebab saya berpendapat sa-bagai saya sendiri sudah mengalami, saya belajar di-dalam Sekolah Menengah hingga

ka-Sekolah Tinggi dan saya sendiri sa-bagai guru dalam Sekolah Menengah yang mempunyai pengalaman bagaimana keperluan-nya Sekolah Pelajaran Rumah Tangga bagi anak² perempuan kita. Tuan Pengerusi, kalau sa-kira-nya tempoh hari saya mengemukakan dalam Dewan ini saya mendapat jawapan dengan di-adakan Sekolah Lanjutan Kampong dan baharu² ini saya telah beruchap dalam Kementerian Kewangan ia-itu saya mengemukakan kerana hendak membanyakkan kemajuan² ia-itu pelajaran bagi anak² perempuan kita, kalau-lah Sekolah Rumah Tangga tidak ada juga tidak apa-lah asalkan di-banyakkan Taman Asohan RIDA di-seluruh Tanah Melayu ini, ia-itu di-tiap² negeri hendak-lah adakan sa-buah. Kerana tempoh hari saya mendapat jawapan bahawa Taman Asohan RIDA akan di-banyakkan dan telah di-adakan di-Melaka dan di-sabelah utara sana ia-itu di-Seberang Prai kalau saya tidak silap. Akan tetapi saya mendapat jawapan pula daripada pehak Menteri Muda Pembangunan Luar Bandar, kata beliau ini tidak perlu lagi kerana ada ranchangan di-tiap² negeri, chuma di-tiap² kampong Sekolah Dewasa itu mengambil satu mata pelajaran dalam soal Pelajaran Rumah Tangga.

Mr. Chairman: Itu tidak masok dalam Kementerian Pelajaran, itu masok dalam Kementerian Luar Bandar. Tolong jangan champorgaulkan.

Che' Khadijah: Yang sa-benar-nya, Tuan Pengerusi, untok menyimpulkan chakap saya. Tuan Pengerusi, saya harap directive daripada Tuan Yang di-Pertua, jangan ada orang Ho! Ho! di-belakang sana. (*Ketawa*).

Mr. Chairman: Saya minta, jangan-lah sa-siapa kata Ho! Ho! (*Ketawa*).

Che' Khadijah: Tuan Pengerusi, berharap-lah saya kapada Kementerian Pelajaran ini supaya tidak hanya di-adakan Part-time Teachers of Language sahaja, tetapi saya berharap

supaya di-adakan juga Part-time Teachers of Domestic Science. Ini supaya jangan lagi wanita kita yang hendak masuk dalam Domestic Science itu di-kirim di-Australia atau di-England sana. Soal Pelajaran Domestic Science ini ada-lah memajukan anak² perempuan kita menjadi ibu yang terdidik dan mempunyai pengalaman untuk di-dalam Rumah Tangga dan dapat hidup dengan jimat chermat, kerana ini semua-nya dapat di-pelajari dalam itu Sekolah Rumah Tangga Jadi saya berharap-lah kepada Kerajaan kita yang betul² hendak memajukan ra'ayat kita dalam negeri ini maka majukan-lah kaum ibu itu kerana maju kaum, maju wanita bererti maju negeri ini, kalau lemah wanita maka negeri ini akan lemah dan ini sudah dapat di-buktikan dalam Persekutuan Tanah Melayu.

Sa-bagai memberi pandangan atau permintaan daripada Ahli Yang Berhormat dari Pontian Selatan, saya menyokong beliau itu dalam soal Taman Kanak². Ini juga dalam Anggaran Belanjawan tahun 1959 telah kami rayu dalam Dewan ini, tetapi nampak-nya belum ada jawapan saya. Kelemahan anak² Melayu dalam sekolah² ternyata betul pada tahun ini ia-itu sangat sedikit yang maju dalam ujian untuk masuk sekolah menengah. Ini saya rasa ada-lah satu sebab kalau sakira-nya mereka yang masuk di-sekolah kebangsaan itu daripada anak² saudara kita bangsa asing, mereka masukkan anak² mereka itu dari sekolah Taman Kanak² empat lima tahun. Anak² itu sudah chergas, mempunyai pengetahuan yang chergas, tetapi anak² kita orang² Melayu belum pernah mempelajari a, b, c, atau satu dua terus berchampur dalam klas itu tentu-lah anak² kita ketinggalan. Jadi keperluan kalau dari darjah satu anak² kita sudah lemah berlawanan dengan anak² ini yang chergas, kerana ia sudah mengetahui tentang pelajaran itu dari darjah satu hingga ka-darjah atas. Oleh sebab itu saya menguatkan ia-itu permintaan daripada wakil Pontian Selatan itu supaya di-ambil perhatian oleh

Kementerian Pelajaran bagi mengadakan sekolah Taman Kanak².

Soal gaji guru² wanita, saya juga menyokong kuat sebab saya kalau untuk urusan wanita saya sangat² menyokong-nya (*Ketawa*). Tetapi saya merasa sayang saudara saya dari pehak Ahli Yang Berhormat sa-belah sana itu masa ada chadangan hak wanita untuk kaum ibu dalam negeri ini maka saudara Ahli Yang Berhormat pada masa itu tidak menyokong pehak pembangkang, kalau hendak di-sokong terus hari ini sama ia-itu gaji guru² perempuan dengan laki² dan juga apa sahaja baik kerani mahu pun jururawat bersama² dengan kaum bapa di-mana² sahaja dalam dunia ini maka saya memberi sokongan yang kuat, tetapi itu-lah sedikit terkhalap daripada saudara Yang Berhormat itu (*Ketawa*).

Muka 103, Sub-head 86—Bulan Bahasa Kebangsaan. Di-sini tiap² kali mengadakan bulan bahasa memang sudah di-adakan ia-itu sa-bagai permintaan² dan di-adakan ranchangan² supaya tiap² negeri dari tiap² Kerajaan Negeri masing² di-perentahkan supaya sign board dan segala²-nya di-buat dalam bahasa kebangsaan, tetapi saya telah berjalan di-beberapa tempat maseh ada saya dapati umpama-nya licence yang di-keluarkan oleh Kerajaan sendiri ia-itu plate yang di-buat oleh Kerajaan di-tulis di-atas dengan tulisan China, yang kedua dengan tulisan India dan di-bawah-nya sa-kali di-tulis dengan tulisan Jawi. Jadi ini pun saya berharap kalau-lah betul bahasa Melayu sa-bagai bahasa kebangsaan yang utama dalam negeri ini maka hendak-lah di-balekkan itu di-atas sa-kali huruf Jawi dan boleh-lah yang lain² itu di-bawah. Ini juga barangkali khilap ma'alum-lah tidak boleh semua itu dengan sa-rentak dan ada ketinggalan lagi dan yang maseh tinggal lagi itu supaya mendapat perhatian.

Muka 101, Sub-head 50 (7) Grants to School Hostels. Dalam soal ini saya minta-lah supaya pehak Kementerian ini mengambil perhatian di-kawasan saya Dungun sana. Tempoh hari saya

juga sudah merayu kalau dapat-lah dari pihak Kerajaan mengadakan satu hostel bagi murid² Dungun sana kerana di-sana ada sekolah kebangsaan yang berbahasa Inggeris yang murid²-nya boleh di-katakan sa-bahagian besar datang dari kampung² yang jauh dari Dungun, dari anak² pegawai yang bekerja di-Bukit Besi dan dari anak² orang kampung yang beruntung masok terpilih ka-Special Malay Class, mithal-nya Jerangau mereka itu terpaksa pergi naik sampan pergi ka-Dungun. Jadi perkara ini saya berharap pihak Kementerian yang berkenaan ia-itu dari peruntokan wang yang sa-banyak satu million ringgit ini supaya dapat di-buat satu hostel bagi anak² sekolah Dungun sana, dan jikalau sa-kira-nya di-sini dalam soal Grants to Sekolah² Lanjutan Kampong harus barangkali permintaan saya Sekolah Rumah Tangga dalam peruntokan ini tidak ada dalam tahun ini, mungkin tahun 1963 akan di-ambil perhatian tetapi saya minta Sekolah Lanjutan Kampong bagi anak² perempuan di-banyakan dan di-laksanakan di-tiap² negeri supaya dapat-lah murid² perempuan itu masok dalam Sekolah² Lanjutan Kampong.

Datin Fatimah binti Haji Hashim (Jitra-Padang Terap): Tuan Pengerusi, berchakap dalam perkara peruntokan pelajaran ini saya juga bersama² pada mengalu²kan peruntokan yang besar ini dan saya hendak berchakap pada Head 15, muka 101, Item (51) dan Item (77) muka 103. Tuan Pengerusi, saya berasa bangga kerana Kerajaan telah menguntokan wang sa-banyak 5 juta ringgit kerana pelajaran² agama di-sekolah² Kerajaan, dan Item (77) ada di-untokan juga sa-banyak \$530,000 kerana bantuan² sekolah² agama ra'ayat. Bagaimana kita sekalian ketahu² ia-itu agama Islam agama resmi negeri ini bagaimana Item 12 (2) Perlembagaan kita ada menyatakan ia-itu Kerajaan boleh memberi bantuan dan belanja bagi pelajaran², sekolah² dan bangunan kerana agama Islam. Peruntokan yang telah saya sebutkan ini termasuk peruntokan bagi Kolej Islam Klang, ini ada-lah

menunjukkan dengan terang dan nyata hasrat dan ka-azaman Kerajaan Perikatan hendak meninggikan taraf dan kemuliaan agama resmi dan juga melaksanakan kehendak Perlembagaan. Perbelanjaan yang bagini besar ada-lah memberi keuntungan dan rahmat kepada anak² Islam negeri ini. Oleh kerana yang demikian dapat-lah didekan yang sempurna dalam jasmani dan rohani.

Kanak² yang ada didekan yang sempurna dalam agama ada-lah menguntokkan masharakat dan sa-terusnya negara. Kerana mereka itu kelak tidak-lah mudah di-pengarohi oleh agama yang sesat dan faham kominis, sebab kita tahu agama Islam berdasarkan kepada kepercayaan kepada Tuhan, dan kominis berdasarkan kepada kebendaan dalam dunia sahaja.

Tuan Pengerusi, sambil itu saya suka mengingatkan kepada Yang Berhormat Menteri Pelajaran dengan sebab murid² perempuan Islam ada lebeh kurang sama banyak dengan murid² lelaki, saya bimbang kelak ada kekurangan guru agama perempuan yang berkelayakan mengajar di-sekolah², terutama guru bagi Sekolah Menengah, kerana mereka itu ada-lah di-kehendaki kelulusan yang tinggi seperti kelulusan Kolej Islam, di-Klang itu. Saya berharap juga Kerajaan dapat mengadakan kolej atau pun pusat latehan bagi guru agama perempuan supaya di-tinggikan darjah dan chara² mengajar. Pendek-nya, Tuan Pengerusi, kemudahan² yang di-beri kepada guru sekolah kebangsaan hendak-lah di-sediakan dan di-beri kepada guru agama juga.

Sambil itu, Tuan Pengerusi, dalam perbahathan Belanjawan tiap² tahun saya ada-lah juga berkali² menyuarakan berkenaan dengan supaya Kerajaan menimbangkan, dan baharu² ini juga dalam perbahathan peruntokan ini saya telah kemukakan supaya Kerajaan menyegerakan pada menimbangkan berkenaan dengan bayaran gaji guru perempuan itu supaya di-samakan, dan juga berkenaan dengan kaum

perempuan yang sama jenis kerja itu patut sama bayaran gaji-nya.

Saya nafikan wakil Dungun yang mengatakan pehak kami silap. Yang sa-benar-nya, tidak silap. Kami memperjuangkan hendak sama bayaran gaji itu ia-lah kepada kaum perempuan yang boleh memegang kerja² yang sama dengan kaum laki². Kerana apa kami tidak menyokong masa diadakan chadangan yang di-bawa itu? Kerana chadangan itu supaya semua kaum ibu di-beri kerja sama dengan laki² dan sama gaji. Pada kaum ibu kita orang Islam selalu mengikut hukum shara', kerana kita kaum ibu tidak boleh menjadi Imam dan jadi Kadhi. Jikalau di-luluskan tentu-lah termasuk kerja² ini atau jawatan ini boleh di-pegang dan di-kuasai kaum perempuan, terima kaseh.

Dato' Mohamed Hanifah bin Haji Abdul Ghani (Pasir Mas Hulu): Tuan Pengerusi, saya sukachita menyatakan di-sini ia-itu pada tahun ini telah pun di-peruntukkan wang bagi pelajaran ini lebeh daripada \$34 juta daripada peruntukan tahun yang lalu. Dengan peruntukan yang lebeh ini ibu-bapa berharap dapat-lah anak² mereka belajar dengan sa-penoh-nya, dan tiap² anak kita dapat belajar di-sekolah². Tetapi, Tuan Pengerusi, mengikut surat khabar *Berita Harian* hari ini, ia-itu murid² Sekolah Menengah bantah tindakan Guru Besar, berkumpul di-pejabat Menteri Besar Trengganu. Di-sini, Tuan Pengerusi, nampak-lah kurang tempat di-Sekolah Menengah. Sa-ramai 45 orang penuntut di-Sekolah Menengah Bariah Pasir Panjang Kuala Trengganu, terpaksa di-suroh pulang oleh pehak Guru Besar-nya, kerana tidak ada tempat. Walhal mereka itu telah mendapat kelulusan (C) Sijil Rendah Persekutuan, dan di-antara 30 daripada mereka itu telah berkumpul hendak mengadu hal kepada Menteri Besar Trengganu. Bagini-lah keada'an yang telah berlaku di-Kuala Trengganu, dan bagitu juga-lah banyak dari tempat lain murid² sekolah yang telah mendapat kelulusan (C) yang umur-nya maseh rendah, tetapi tidak

dapat melanjutkan pelajaran-nya, sebab tidak ada tempat.

Sa-perkara lagi, Tuan Pengerusi, di-Sekolah Ibrahim, Pasir Mas, di-dapati hanya 25 peratus sahaja murid² yang lulus darjah VI dan yang lulus L.C.E. 30 peratus sahaja, dan mereka yang tidak lulus itu ada di-antara-nya umur-nya maseh rendah, tetapi tidak mendapat tempat hendak lanjut pelajaran. Maka keloh kesah-lah ibu-bapa mereka itu untuk hendak menghantar anak² mereka ka-luar dari Pasir Mas atau luar dari Kelantan untuk melanjutkan pelajaran anak² mereka itu. Dan juga saya berasa bimbang oleh sebab rendah sangat bilangan murid² yang lulus di-Sekolah Ibrahim itu. Satu daripada tidak puas hati ibu-bapa di-sana ia-lah guru² selalu bertukar, dan guru² itu ada-lah guru² sementara, selalu di-tukar ka-sana ka-sini, dan harus-lah guru² itu tidak dapat memberi tumpuan pelajaran sa-penoh-nya kepada murid² itu.

Sekarang saya hendak berchakap tentang Grants to School Hostels. Tuan Pengerusi, masa'alah anak Melayu pada hari ini kalau di-bandingkan dengan anak² bangsa asing jauh ketinggalan anak² Melayu dalam soal pelajaran. Sebab ibu-bapa-nya tidak ada kemampuan dan tidak dapat mendidik anak² mereka dengan sa-penoh di-rumah mereka sendiri. Masa'alah ini kita dapat atasi kalau pehak Kerajaan dapat menambah banyak lagi bilangan hostel² di-dirikan supaya anak Melayu kita dapat dudok di-hostel dan dapat menumpukan pelajaran dengan sunggoh-nya, dan dapat mereka itu berlumba² dalam soal pelajaran. Kerana saya sendiri telah merasa bagaimana anak² saudara saya sendiri yang ibu-bapa-nya tidak dapat memberi tumpuan atau didekan penoh dalam pelajaran kepada anak² mereka itu. Lazim-nya anak² Melayu kita apa-bila sampai ka-darjah 6-7 maka mereka pun mulai lemah dalam pelajaran mereka. Maka oleh sebab itu-lah saya mengehorkan kepada Kementerian Pelajaran supaya hostel² di-perbanyakkan lagi bagi fa'edah anak² Melayu kita supaya

murid² dalam sekolah; mengikut keputusan pepereksaan sangat² tidak memuaskan hati. Jadi, di-sini kita telah banyak mendengar fikiran² yang telah di-kemukakan oleh beberapa orang dan ada satu Jawatan-Kuasa telah di-bentuk untuk menyiasat kelemahan² ini. Akan tetapi yang saya dapati satu perkara yang tidak di-siasat dan tidak di-ambil perhatian ia-lah mengenai guru² yang berkhidmat di-sekolah² itu. Kebiasaan-nya tiap² pegawai Kerajaan mesti-lah berkhidmat sa-lama 8 jam mengikut dasar bagi pekerjaan buroh. Tetapi guru² berkhidmat dalam sa-minggu sa-lama 25 jam. Kerani² berkhidmat sa-lama 45 jam, jadi di-kehendakkan sa-lain daripada 5 jam berkhidmat di-sekolah, ada 3 jam lagi pada tiap² hari berkhidmat untuk mengawasi permainan, pengakap, pemandu dan lain² permainan sukan dan di-kehendaki mereka membuat persediaan dan menyemak buku², memeriksa kerja² yang telah di-beri kepada murid² itu membuat di-rumah. Guru² ini hendak-lah berkhidmat sa-imbang dengan gaji-nya yang mereka perolehi. Ini-lah satu perkara yang sangat mustahak di-kaji sa-halus²-nya. Saya harap Yang Berhormat Menteri meng-ambil perhatian yang berat supaya tenaga guru² yang di-churahkan itu dapat sa-imbang dengan gaji yang di-beri kepada mereka itu. Dengan ini saya perchaya murid² itu mesti-lah mendapat kemajuan yang lebeh lagi pada masa hadapan.

Sekarang saya suka berchakap atas muka 103 Sub-head 80, per-untokan untuk Std. IV, jadi saya dukachita menyatakan di-sini tidak ada peruntokan untuk pengakap atau pemandu anak serigala. Ini ada-lah satu pasokan atau satu pergerakan yang sangat mustahak bagi anak² kita waktu dalam sekolah kerana ajaran dalam ilmu pengakap atau pemandu anak serigala ini ada-lah menjadikan murid² itu satu orang yang ta'atkan perintah orang tua², ta'at kepada guru, ta'at kepada negeri dan juga sedia berkhidmat untuk kepentingan musharakat dan negara. Banyak lagi ajaran yang membolehkan mereka itu

menjadi sa-orang yang sempurna dalam penghidupan-nya. Di-sini saya berharap kepada Yang Berhormat Menteri mengadakan peruntokan supaya mendapatkan uniform tiap² sekolah kerana kalau tidak ada tentu-lah susah bagi guru² yang chenderong hendak mengadakan pergerakan² ini dan segala²-nya terpaksa di-minta kanak² itu mengeluarkan wang untuk membeli uniform itu. Kalau Kerajaan boleh mengadakan peruntokan untuk memberi uniform ada-lah memberi kesenangan kepada kanak² itu dan juga kepada ibu-bapa-nya.

Berkenaan dengan Sub-head 51, ia-itu peruntokan bagi guru² Ugama. Saya dapati pada tahun ini banyak peruntokan ia-itu 5 million ringgit, saya berharap bagaimana saya telah minta kepada Yang Berhormat dahulu ia-itu di-adakan satu tangga gaji yang sama rata bagi semua negeri². Kerana tanggung-jawab bagi memilih guru² itu ada-lah tanggung-jawab bagi tiap² negeri. Saya berharap Kementerian ini dapat membuat satu dasar supaya dapat di-ikuti oleh semua negeri dengan tangga gaji yang sama dan perkhidmatan yang sama dan juga chara mengadakan nazir guru² tiap² daerah itu sama dan tangga gaji bagi guru² Sekolah Menengah dalam jenis Kebangsaan dan Sekolah² Kebangsaan dan lain². Jadi, ini sangat-lah mustahak, kalau tidak di-adakan chara bagini maka tentu-lah satu² negeri itu menerima guru² dengan memberi gaji yang berlainan. Ini menjokkan atau menimbulkan satu perasaan yang tidak puas hati dan dengki di-antara satu dengan lain. Dengan ini saya berharap-lah kepada Kementerian ini membuat satu dasar yang tegas.

Lagi satu perkara yang saya ingin menarek perhatian Yang Berhormat ia-lah mengenai pengambilan ahli atau pegawai² yang hendak berkhidmat dalam jabatan Kerajaan. Sa-bagai-mana yang kita tahu surat² permohonan itu ia-itu yang di-Gazette di-kehendaki satu daripada syarat²-nya ia-lah credit in English. Jadi masa-nya sudah tiba ta' patut lagi di-buboh

credit in English, patut-lah di-tukarkan credit in Malay dalam standard sembilan atau pun peperiksaan School Certificate. Saya harap mendapat perhatian dari pihak yang berkenaan mengenai syarat² kelayakan yang di-kehendaki dalam jawatan Kerajaan.

Mr. Speaker: I have to suspend the meeting. The meeting is suspended for 15 minutes.

Sitting suspended at 11.10 a.m.

Sitting resumed at 11.30 a.m.

(Deputy Speaker in the Chair)

House immediately resolved itself into Committee of Supply.

(Deputy Speaker in the Chair)

Enche' Othman bin Abdullah (Tanah Merah): Tuan Pengerusi, saya hendak berchakap dalam hal Kementerian Pelajaran ini. Saya menguchapkan terima kaseh di-atas kenyataan Menteri Pelajaran pada mengemukakan perbelanjaan ini ia-itu tentang akan di-adakan mulai bagi tahun ini sekolah² perchuma bagi sekolah² rendah di-seluruh Persekutuan Tanah Melayu. Bila kita menyebutkan perkataan sekolah² rendah di-Persekutuan Tanah Melayu maka kita nampak di-sini ia-itu didalam muka 101, Sub-head 50, Item (5) Grants to Primary Schools yang kita nampak pembahagian atau peruntukan kepada-nya sa-banyak \$124,736,632 yang akan di-berikan kepada sekolah² rendah.

Tuan Pengerusi, bila kita menengok kepada pelajaran perchuma sekolah² rendah pada tahun ini maka ta'arif-nya tentu-lah terbagi kepada sekolah rendah yang di-punyai atau di-anjorkan oleh Kerajaan—sekolah Melayu yang di-sebut sekolah kebangsaan. Bila sekolah ini telah di-berikan perchuma maka terbit-lah di-antara sekolah² itu bersaing di-antara sekolah kebangsaan dan jenis kebangsaan dengan sekolah² yang lain. Persaingan menurut erti bahawa

tidak-lah payah kepada ibu-bapa memasokkan anak-nya ka-sekolah jenis kebangsaan atau ka-sekolah Inggeris oleh kerana dengan memasokkan anak-nya ka-sekolah Inggeris itu dia tidak memikirkan lagi tentang pembayaran² sekolah. Bila dia memikirkan di-antara sekolah² Inggeris mana-kah yang patut anak-nya masuk maka terserah-lah kepada dia di-mana yang dia hendak memasokkan anak-nya. Maka dia memandang jauh bagi nasib anak-nya di-belakang hari. Kalau hendak di-masokkan ka-sekolah kebangsaan ini, sa-tinggi²-nya sekolah kebangsaan ini sampai darjah VI, kemudian masuk pula peperiksaan sekolah menengah, bila sampai sekolah menengah, Tuan Pengerusi, kita dapati peperiksaan mereka itu amat-lah mendukachitakan. Dan oleh kerana anak² kita itu sudah begitu rendah di-dalam peperiksaan untuk memasoki sekolah menengah maka timbul-lah satu fikiran baharu bagi ibu-bapa bahawa tidak ada fa'edah-nya dia hendak menghantar anak²-nya ka-sekolah rendah kebangsaan. Dia akan menchuba memasokkan anak-nya ka-sekolah jenis kebangsaan.

Ini-lah, saya katakan, Tuan Pengerusi, ibu-bapa dalam soal anak²-nya menghadapi satu perjudian hidup di-masa yang akan datang. Maksud saya dalam perjudian ini ia-itu bila anak-nya sampai ka-sekolah, apa-kah akan jadi kepada anak ini yang akan di-fikirkan oleh ibu-bapa, ini akan mendapat pertimbangan. Maka pada pendapat saya di-dalam persaimbangan ini maka taktik yang baharu ia-itu darjah persekolahan di-antara sekolah rendah ini hendak-lah di-samakan. Taraf anak² di-sekolah rendah baik apa juga jenis-nya dapat di-samakan maksud saya dapat di-samakan kelulusan yang di-perolehi di-sekolah jenis kebangsaan. Dan kelulusan di-dapati daripada sekolah kebangsaan mendapat layanan yang sama daripada Kerajaan.

Sebab saya katakan begitu, Tuan Pengerusi, baharu² ini ada satu ikhtiar hendak menambah pasokan Polis di-

orang yang lebeh merasa penting-nya pelajaran itu kapada anak kita.

Tuan Pengerusi, berchakap berkenaan dengan guru agama, saya menyokong fahaman yang telah dikemukakan oleh Yang Berhormat dari Jitra-Padang Terap yang mengatakan pelajaran agama ini penting dan mustahak untuk menentang faham komunis, dan untuk menyatukan menjadi manusia yang berguna. Saya menyokong fahaman-nya itu dengan hati saya sendiri. Dalam melaksanakan ini, kita ada di-sini peruntukan Muslim College sa-banyak \$174,000. Di-Kolej Islam ini, Tuan Pengerusi, saya minta perhatian supaya di-adakan satu tempat khas bagi wanita kita yang belajar di-situ, dan di-adakan juga guru khas kapada wanita kita itu, tidak saperti sekarang ini mereka macham "nasi tambah" sahaja pergi menumpang dalam kelas itu 2 orang dan di-kelas ini 3-4 orang. Jadi kalau macham itu bila masa-nya kita akan dapat mempunyai guru yang berkelayakan tinggi untuk mengajar di-Sekolah Menengah, pada hal Kementerian Pelajaran berkehendakan guru agama mengajar di-Sekolah Menengah dengan syarat kelulusan Kolej Islam. Dan ada masa-nya kita hendak guru² itu terdiri daripada kaum ibu, sebab kaum ibu itu kalau jadi guru lebeh baik daripada kaum bapa, terutama dalam soal pelajaran wanita. Jadi kerana itu dalam Kolej Islam itu mustahak-lah Kementerian ini kalau dapat mengadakan satu bangunan khas di-situ, sa-umpama kita mengadakan bangunan Kolej RIDA di-Petaling Jaya ia-itu ada bangunan khas bagi kaum ibu, bagitu juga kita hendak bangunan khas di-Muslim College. Guru-nya terdiri daripada guru perempuan yang berkelayakan untuk mengajar murid² itu. Dan bila sudah ada tempat saya rasa tidak-lah di-hadkan berapa jumlah murid² perempuan yang hendak masok di-kolej itu, dan bila ini sudah banyak baharu-lah kita dapat mengeluarkan guru² yang berkelayakan bagi kelas² yang saya sebutkan tadi.

Tuan Pengerusi, sa-lain daripada ini rakan saya sudah chakapkan berkenaan dengan perkara ini, maka itu-lah sahaja saya menarek perhatian, dan saya ucapkan terima kaseh.

Enche' Yahya bin Haji Ahmad (Bagan Datoh): Tuan Pengerusi, saya bangun untuk mengambil sedikit peluang dalam perdebatan mengenai peruntukan wang bagi Kementerian Pelajaran ini yang telah pun di-binchangkan dengan hebat-nya sejak dua hari yang lampau. Saya telah menduga terlebih dahulu bahawa serangan yang hebat tetap sa-kali dilancarkan oleh wakil Telok Anson, di-dasarkan serangan-nya terhadap dasar pelajaran Kementerian yang berkenaan telah pun dapat di-dengar oleh kita semua dalam Majlis yang berbahagia ini pada pagi sa-malam. Oleh sebab beliau mengaitkan perkara kemenangan dalam Pilihan Raya Kecil Dewan Ra'ayat, Telok Anson, ia-lah dengan sebab dasar pelajaran yang ada ini. Maka ada baik-nya bagi saya membuat penjelasan dalam Dewan ini untuk pengetahuan Ahli² Yang Berhormat khas-nya dan penduduk bangsa asing yang mendiami Persekutuan Tanah Melayu ini 'am-nya. Bahawa kemenangan yang di-perolehi-nya itu ia-lah dengan membulak balekkan kenyataan² yang ada dalam dasar pelajaran itu sendiri, bukan-lah kerana orang China yang ta'at setia kapada negeri ini tidak suka kapada dasar pelajaran ini. Bukti-nya sangat nyata dan terang bahawa berpuluh² sekolah China dalam negeri ini termasuk Sekolah Menengah Sun Min, Telok Anson, dalam kawasan beliau itu sendiri, ia-itu sekolah yang terbesar sa-kali dalam Hilir Perak, telah pun menerima dasar pelajaran ini, dan saya yakin dan perchaya tidak lama lagi berpuluh² sekolah lagi akan mengikuti dasar ini. Yang Berhormat dari Telok Anson sekarang ini ada-lah dalam keada'an serba salah, kerana beliau tidak-lah lagi dapat hendak mengelirukan ra'ayat dalam kawasan Telok Anson, sebab sekarang mereka telah menyedari bahawa dasar pelajaran ini adalah menguntungkan ra'ayat khas-nya

orang² China yang mana mereka telah sedar bahawa mata mereka di-abui oleh manusia yang segelintir, manusia yang tidak sedar diri dan tidak bertanggung-jawab.

Saya pernah di-temui oleh sa-tengah² ibu-bapa kanak² sekolah China yang mengatakan rasa kesal hati mereka kerana dasar yang bagini baik telah di-bulak balekkan, tetapi sa-balek-nya kata mereka, "Sa-kali-lah si-buta kehilangan tongkat". Tuan Pengerusi, saya perchaya sa-kira-nya Yang Berhormat dari Telok Anson berniat hendak menentang dasar pelajaran ini sa-hingga akhir hayat-nya, nyata-lah perbuatan-nya itu "Sa-bagai sa-orang yang chuba memecahkan batu dengan kepala-nya sendiri".

Tuan Pengerusi, sekarang saya suka hendak berchakap di-atas perkara Dewan Bahasa dan Pustaka sa-bagai-mana yang tersebut dalam Sub-head 83. Saya menguchapkan terima kaseh kepada Kementerian Pelajaran ini yang menambah peruntokan yang di-janjikan itu. Di-atas tambahan ini berma'ana Kementerian ini telah menambah minyak patrol kepada jentera yang akan dapat berjalan dengan lancar-nya sa-lagi tambahan minyak itu dari sa-masa ka-satu masa dapat di-laksanakan. Alham dullillah shukur kita kepada Allah yang mana sekarang Dewan Bahasa telah dapat memberi chabaran-nya pula kepada salah sa-orang Ahli Yang Berhormat yang pernah membuat chabaran kepada-nya dalam Dewan yang mulia ini pada tahun yang lepas. Tidak payah-lah saya sebutkan siapa dia Ahli Yang Berhormat itu, memadailah dengan mengatakan "Siapa yang makan lada dia-lah terasa pedas-nya". Saya harap Ahli Yang Berhormat itu akan bersama² kita di-majlis merasmii pembukaan Dewan itu pada akhir bulan ini.

Tuan Pengerusi, berkenaan dengan Textbooks saperti yang tersebut dalam Sub-head 100 saya rasa elok-lah tambah peruntokan itu, kerana kita tahu buku² sangat kurang, dan saya

harap segala buku² ini tidak-lah di-buat sa-bagaimana dalam masa penjajah dahulu, sa-hingga buku² dongeng kerapkali kita dapati, yang mana akibat-nya, rakan saya dalam Majlis ini pernah mencheritakan cherita "Hantu Toyol dan Mambang". Oleh itu saya harap kepada pekah yang bertanggung-jawab dari Kementerian benar² dapat mengeluarkan buku² yang sa-suai dengan keada'an masa.

Sa-perkara lagi berkenaan dengan Sekolah Menengah. Saya suka menarek perhatian Menteri yang berkenaan supaya Sekolah² Menengah dapat di-dirikan di-tiap² tempat yang ramai penduduk²-nya daripada orang² Melayu. Mithal-nya, dalam kawasan saya di-Bagan Datoh, kerana di-sana banyak sekolah² ra'ayat sama ada sekolah² menengah kebangsaan dan sekolah² ugama. Ini-lah sahaja per-chakapan saya kepada Kementerian ini.

Tuan Syed Ja'afar bin Hasan Albar (Johor Tenggara): Tuan Pengerusi, saya ada beberapa perkara yang saya hendak sentoh dan tempoh serta rempoh dalam Anggaran Belanjawan Kementerian Pelajaran ini, dan juga ucapan² sa-tengah Ahli² Yang Berhormat yang telah berchakap sa-belum daripada saya bangun ini. Satu perkara yang saya suka hendak sebutkan di-sini ia-lah ucapan Yang Berhormat dari Kuala Trengganu Utara yang telah meminta supaya dalam Dewan Bahasa itu di-adakan sa-buah jawatan-kuasa istilah ugama. Saya telah bersusah payah memikirkan apa-kah maksud Yang Berhormat itu dengan menchadangkan atau menuntut supaya di-adakan satu jawatan-kuasa istilah ugama. Kerana mengikut apa yang saya tahu bahawa istilah² dalam ugama, baik istilah itu mengenai ilmu undang² atau ilmu berkenaan dengan ketuhanan, telah di-ator dengan kemas. Jadi tidak payah lagi hendak buat istilah baharu itu, yang saya tidak dapat memahamkan apa-kah tujuan hendak mengadakan jawatan-kuasa istilah ugama dalam Dewan Bahasa itu.

Dan di-sini saya ingin mengajak Dewan ini menyemak semula ucapan yang telah di-berikan oleh Ahli Yang Berhormat daripada Telok Anson. Ahli Yang Berhormat itu telah mengatakan dalam pembukaan ucapan-nya bahawa Dasar Pelajaran Rahman Talib telah menyempang jauh daripada Dasar Pelajaran Razak. Jadi, di-sini, Tuan Pengerusi, saya tidak berchadang hendak meng-hilangkan masa Ahli² Yang Berhormat Dewan ini untuk menyemak dan mengkaji semula di-mana-kah persesuaian, persamaan di-antara Dasar Pelajaran Rahman Talib dengan Dasar Pelajaran Razak itu kerana perkara ini telah berulang² kali di-bahathkan dalam dan di-luar Dewan ini. Saya fikir orang² yang mengerti dan faham sahaja yang tahu titik² Persamaan atau Perbezaan di-antara Dasar Pelajaran Rahman Talib dengan Dasar Pelajaran Razak itu. Tetapi ada sa-tengah² orang, yang bukan tidak mengerti, tetapi sengaja tidak mahu mengerti. Saya minta Ahli Yang Berhormat dari Telok Anson supaya dia lekas mengerti sa-belum terlambat masa-nya.

Sa-perkara lagi yang di-sebutkan oleh Ahli Yang Berhormat dalam ucapan-nya itu ia-lah berkenaan dengan kenyataan Yang Berhormat Menteri Muda Pelajaran ketika beliau mengemukakan perbelanjaan Kementerian-nya ya'ani berkenaan dengan nasib sekolah² China yang enggan menerima bantuan dan Dasar Pelajaran itu. Ahli Yang Berhormat dari Telok Anson telah menudoh Yang Berhormat Menteri itu mengecil²kan dan merendah²kan sekolah China yang hendak hidup di-atas kaki-nya sendiri. Tetapi, Tuan Pengerusi, saya telah menyemak balek ucapan Yang Berhormat Menteri itu, saya tidak dapati satu ayat pun dalam ucapan-nya yang boleh di-ambil fahaman yang Kerajaan atau pehak Menteri itu sendiri chuba hendak mengecil²kan sekolah² China yang maseh belum hendak menerima bantuan dan Dasar Pelajaran itu. Apa yang di-sebutkan oleh Menteri Yang Berhormat itu ia-lah sa-mata² hendak menggambarkan masa

hadapan sekolah² itu dengan tidak ada sadikit pun niat hendak mengecil²kan atau hendak merendah²kan sekolah² itu.

Lagi satu, Tuan Pengerusi, saya hendak menarek perhatian Kerajaan kapada ucapan-nya yang berbau perkauman dalam Dewan ini dan di-luar Dewan ini. Ahli Yang Berhormat daripada Telok Anson telah mengaku dan menda'wa bahawa dia telah di-hantar duduk dalam Dewan ini ia-lah kerana orang² dan pendudok² serta pengundi² di-Telok Anson tidak menerima Dasar Pelajaran yang ada pada hari ini. Sa-benar-nya, Tuan Pengerusi, pendudok² dan pengundi² di-Telok Anson mengundi beliau datang ka-mari dan dapat peluang duduk di-tempat ini telah di-perdayakan oleh diayah² palsu yang memainkan sentiment perkauman. Dalam Dewan ini beliau mengatakan dalam ucapan-nya kelmarin bertanya kapada Dewan ini bahawa tahu-kah kita, kenapa sekolah² ini enggan menerima bantuan yang di-hulorkan oleh Kerajaan. Tahu-kah Dewan ini apa sebab ibu-bapa dan pengelola sekolah² itu sanggup menanggung beban berat untuk memelihara dan menyelenggarakan sekolah² itu dengan tidak menerima bantuan yang begitu murah hati dan banyak yang di-hulorkan oleh Kerajaan kapada mereka itu? Apa-kah jawapan-nya, Tuan Yang di-Pertua, kapada pertanyaan² ini? Kata-nya kerana orang² ini chintakan kapada bahasa dan kebudayaan China. Ini satu ayat, Tuan Yang di-Pertua, yang paling tajam yang tidak boleh di-keluarkan dalam Dewan ini walau pun ia-nya datang dari pehak Kerajaan atau dari Ahli Yang Berhormat itu sendiri, kerana kalau kita diaman ini akan menerbitkan api.....

Enche' Too Joon Hing (Telok Anson): Mr. Chairman, Sir, on a point of clarification. I said that the people love their own cultures, and I think the Honourable Member has been mistaken. I said that everybody, every section of the people, love their own culture. I did not say anything about China. If you read my speech care-

fully, you will see that I have said that every section of the people love their own culture, and it is dear to their heart and soul. The Chinese love their culture, the Malays love their culture and the Indians love their culture. I did not say that loving the culture means loving the country of China.

Tuan Syed Ja'afar bin Hasan Albar:

Tuan Pengerusi, itu-lah apa yang saya katakan ada dalam ucapan-nya itu, ia-itu kata-nya orang² itu enggan menerima bantuan itu ia-lah kerana orang² itu kasehkan kepada culture China dan bahasa China. Itu-lah yang di-katakan-nya dalam ucapan-nya, Tuan Pengerusi. Jadi, kata² yang sampama ini pada pandangan dan anggapan saya ada-lah kata² yang paling jahat, yang paling merbahaya sa-kali. Sebab, Tuan Pengerusi, jahat-nya itu tidak mengenai orang lain tetapi mengenai orang² China yang ada dalam negeri ini sendiri. Ini satu tuduhan daripada Ahli Yang Berhormat daripada Telok Anson menudoh orang² China yang tidak menghantar anak²-nya ka-sekolah China, orang² ini ada-lah tidak chintakan kebudayaan dan bahasa China. Jadi, orang² China yang menghantarkan anak² mereka kepada sekolah² Inggeris ada-lah orang² jahat dan pengkhiaat bahasa dan kebudayaan China. Ini satu tuduhan yang burok yang di-datangkan oleh Ahli Yang Berhormat dari Telok Anson. Saya katakan, Tuan Pengerusi, perkara ini biar-lah kita pulangkan kepada orang² China sendiri dalam negeri ini untuk menimbang dan memikirkan pendapat sa-orang yang tidak bertanggungjawab kepada negeri ini dan kepada kaum keturunan darah-nya sendiri. Tuan Yang di-Pertua, saya tinggalkan-lah perkara ini kepada Ahli Yang Berhormat daripada Telok Anson itu untuk membetulkan kaum dan keturunan-nya sendiri.

Saya berbalek kepada Anggaran Perbelanjaan ini ia-itu berkenaan dengan Dewan Bahasa dan Pustaka. Saya di-sini ingin mengambil peluang

mengucapkan sa-tinggi² tahniah dan sa-tinggi² pujian kepada Kementerian ini kerana kejayaan-nya mendirikan sa-buah bangunan yang besar terseregam untuk Dewan Bahasa dan Pustaka.

Saya mengucapkan tahniah dan pujian yang tinggi kepada Kementerian Pelajaran bukan kerana kejayaan-nya mendirikan sa-buah bangunan yang besar tersesegam, tetapi saya mengucapkan tahniah kerana ma'ana dan erti yang terkandung di-dalam bangunan itu. Bangunan itu kita berharap akan menjadi symbol perpaduan ra'ayat seluroh Tanah Melayu ini. Kita berharap Dewan Bahasa dan Pustaka itu akan menjadi lambang kemegahan orang yang chintakan Tanah Melayu ini. Kita berharap yang Dewan Bahasa ini akan menjadi satu tempat terbit ilham yang akan menyemaikan benih dan bibit kepada penduduk² negeri ini, dengan ini mereka betul² chintakan negeri ini khas-nya orang yang sa-macham Ahli Yang Berhormat dari Telok Anson itu supaya ia betul² chintakan kebudayaan negeri ini.

Sa-perkara lagi yang saya ingin hendak sebutkan dalam soal yang berkaitan dengan Dewan Bahasa ini ia-lah berkenaan dengan penerbitan buku²-nya. Yang saya tahu bahawa pada hari ini Dewan Bahasa dan Pustaka ada mempunyai satu bahagian untuk menerbitkan Textbook dalam bahasa Melayu, ini tidak shak lagi memang menjadi tujuan Kerajaan untuk hendak melengkapkan Textbook bagi semua peringkat persekolahan dalam negeri ini. Tetapi satu perkara lagi yang patut ada di-dalam Dewan Bahasa dan Pustaka ini ia-lah berkenaan dengan Textbook Sekolah China dan juga Sekolah Tamil dan Inggeris. Pada pandangan saya, Tuan Pengerusi, elok-lah supaya bahagian Textbook Sekolah China, Inggeris dan Tamil ini ada juga dalam Dewan Bahasa kerana kita tidak berkehendakkan buku² yang akan membentok fikiran anak² kita itu di-import dari Hong Kong dan dari London atau dari mana² juga,

yang ada dalam penyiasatan itu. Jangan-lah ada lagi sa-barang halangan daripada sesiapa pun dalam menjalankan shor² bagi membetulkan kedudukan pelajaran anak² Melayu pada masa ini. Apabila kita sebutkan hal pelajaran anak² Melayu maka saya suka menarek pandangan Menteri Yang Berhormat kepada Sub-head 90—Scholarships and Training Awards for Teachers—pada guru dan scholarship bagi pre-university dan scholarship² yang lain. Dalam Perlembagaan Persekutuan Tanah Melayu salah satu daripada kelulusan-nya ia-lah memberi keadilan quota bagi scholarship untuk anak² Melayu memajukan pelajaran di-negeri ini. Ini bukan-lah satu perkara yang patut di-dengkikan oleh sesiapa pun tetapi saya berasa hairan ada sa-orang Ketua Persatuan Guru² Persekutuan Tanah Melayu yang baharu² ini telah mengeluarkan satu fikiran yang di-sampaikan kepada Kementerian Pelajaran ia-itu Mr. Theerat Ram mengatakan bahawa Kerajaan patut mengkaji sa-mula kedudukan memberi quota dalam hal scholarship dalam negeri ini. Ia merasa bahawa bagi kepentingan kemajuan pelajaran negeri ini dan bagi kepentingan mengujudkan guru² yang layak di-negeri ini maka jangan-lah hendak-nya Kerajaan negeri ini terlalu dekat kepada dasar yang di-ujudkan dalam quota scholarship menurut yang di-luluskan oleh Perlembagaan Persekutuan Tanah Melayu. Saya memandang ini ada-lah satu fikiran yang jahat sa-kira-nya di-sambut oleh Kementerian ini dan di-lakukan maka akan menjahanamkan kepentingan yang ada sedikit di-beri oleh Perlembagaan Persekutuan Tanah Melayu itu pada orang² Melayu. Kita tahu bahawa negeri ini mempunyai tuntutan² yang tertentu bagi kemajuan, tetapi jangan-lah kepentingan² yang telah di-akuï penting-nya bagi orang² Melayu di-lapangan pelajaran itu di-ganggu. Bagi anak² Melayu hanya dengan ini sahaja-lah mereka akan dapat mengikut perkembangan hidup dalam negeri ini dan sa-kira-nya hal ini di-chuba untuk di-pechahkan maka saya perchaya rasa ketidak-

puasan yang ada pada orang² Melayu akan mendatangkan bahaya pada negeri ini semua. Apabila kita lihat—saya berchakap berkenaan dengan pepereksaan di-bawah item Examination Board—kekurangan kejayaan yang nyata dalam pepereksaan di-Persekutuan Tanah Melayu yang mengkhuatiri yang telah menjadi perbahathan dalam Dewan ini adalah satu perkara yang besar. Bagi saya saya maseh memikirkan bahawa satu daripada sebab yang besar bagi kekurangan kejayaan dalam sekolah² kita terutama dalam sekolah² menengah ia-lah kekurangan guru² yang berkelayakan dan terlatah. Saya, Tuan Pengerusi, ada-lah sa-orang daripada anggota pengelola bagi sa-buah sekolah menengah ia-itu Sekolah Zainab, Kota Baharu. Dalam sekolah yang murid-nya menchapai angka ribu bilangannya itu kita dapati bahawa kekosongan guru bukan-lah 10 persen, tetapi lebeh daripada 50 persen dan kalau pun di-isi maka dia itu di-isi dengan guru² sementara yang kelayakan-nya menurut kadar sahaja. Jumaah Pengurus bagi sa-sabua sekolah ada-lah berkewajipan memikirkan soal ini tetapi apakan daya sa-buah Jumaah Pengurus walau apa yang di-beri dari kebolehan kewangan sa-kira-nya guru² itu tidak juga dapat memberi apa² kepada-nya. Maka sa-lagi kedudukan guru² ini tidak dapat di-selesaikan oleh Kerajaan, saya perchaya untong nasib kanak² kita amatlah mendukachitakan. Akan tiba masa-nya oleh sebab kekurangan guru² ini negeri ini akan menjadi sa-buah negeri yang penoh dengan kekechiwaan dalam pelajaran. Saya mengharapakan bahagian latehan bagi guru² sekolah menengah dan juga guru² sekolah rendah di-lipat-gandakan dalam tenaga-nya dan kalau Kerajaan merasa bahawa hal ini mementingkan pada layanan yang istimewa pada guru² sekolah menengah umpama-nya, maka saya rasa patut-lah di-lakukan.

Pernah saya pergi di-sabua sekolah kebangsaan yang mempunyai 5 darjah tetapi mempunyai 2 orang guru. Tidak-

lah dapat kita hendak bertanya bagaimana-kah guru ini menjalankan darjah mereka yang 5 darjah dengan 2 orang guru itu. Saolah² mereka ini di-kehendaki menjadi ahli² circus yang pandai menjalankan darjah sa-hingga mereka merasa bahawa oleh sebab kekurangan guru bagi memenohi jawatan ini, maka anak² kita di-kampung terutama anak² Melayu tidak mendapat kelulusan yang baik.

Tuan Yang di-Pertua, walau bagaimanapun, tidak-lah saya menafikan bahawa Kerajaan telah mengambil langkah² bagi melateh guru², tetapi saya mengharapkan langkah² itu di-lebihkan, dan jika mustahak, di-wujudkan chara² menambah guru bagi sa-suatu masa umpama-nya asalkan boleh mereka yang belajar itu mendapat layanan yang baik. Di-Sekolah Menengah pada masa ini satu daripada ubat yang berlaku dengan sendiri-nya dan saya tidak fikir dengan usaha awal dari Kementerian, ada-lah menggunakan penuntut yang berchuti dalam Universiti Malaya bagi memenohi tuntutan² kekurangan guru di-sekolah². Tetapi apa-kah bahaya yang berlaku dengan perbuatan yang demikian ia-lah bahawa pada awal tahun mereka ini memegang jawatan guru, dan sekolah² ini berasa puas hati, kerana mendapat penuntut² dari universiti itu mengajar, akan tetapi, apabila sampai bulan May maka terberhenti-lah dengan sendiri jawatan mereka itu, dan menchari guru pada bulan itu akan menjadi satu kesulitan yang amat besar bagi sekolah itu. Hal ini, Tuan Yang di-Pertua, semua-nya memberi jawapan kepada tanda tanya yang menyebabkan kekurangan kejayaan dalam sekolah² itu. Dalam menjayakan murid² di-sekolah, dan dalam membahathkan soal mewujudkan gulongan bagi jaya dalam sekolah, saya telah menyebutkan dalam Dewan yang bertuah ini kepada satu perkara yang telah pun di-sebutkan oleh Yang Berhormat dari Temerloh ia-itu "automatic promotion" (naik darjah dengan sendiri-nya). Tanya-lah, Tuan Yang di-Pertua, mana guru pun, dan tanya-lah mana bapa pun, tidak sa-orang pun menafikan sa-dikit sa-

banyak-nya ada kesan di-dalam kekechiwaan di-sebabkan oleh "automatic promotion". Tuan Yang di-Pertua, kepada Dewan yang bertuah ini telah saya minta dan kepada Menteri Yang Berhormat telah saya kemukakan supaya memikirkan dengan halus prinsip "automatic promotion". Saya merasa walau pun di-dalam dasar pendidekan moden "automatic promotion" ini ada-lah satu perkara yang di-terima, tetapi, bagi kita yang menginsafi bahawa ini menjadi unsur bagi kelemahan kemajuan kanak² kita, elok-lah kita chuba mewujudkan satu peratoran yang sunggoh bagi membolehkan anak kita itu di-pereksa di-dalam kelas-nya masing² supaya angka kejayaan atau markah kejayaan pada tiap² tahun itu di-jumlahkan, dan mendapat pertimbangan di-dalam pertimbangan akhir bagi pepereksaan sa-saorang murid itu. Sebab, Tuan Yang di-Pertua, walau pun ada pada masa ini satu peratoran ia-itu pepereksaan yang di-jalankan dalam kelas oleh guru²-nya, tetapi sa-lagi angka kejayaan atau pun ketidakjayaan sa-saorang itu tidak dapat mempengaruhi angka akhir dari markah-nya, maka mereka akan memandang kechil kepada pepereksaan² itu. Saya berharap supaya Kementerian Pelajaran memikirkan sa-mula hal ini, dan supaya mendapat satu chara yang sunggoh² dapat mendorong semua anak kita supaya berjaya.

Tidak dapat kita nafikan bahawa kejayaan penuntut² kita berhubung tentang kegiatan guru mengajar, ada. Maka saya dalam perkara ini suka menarek perhatian Dewan yang bertuah ini kepada soal Nadhir (Inspectorate) yang ada dalam Estimates ini. Kalau kita perhatikan Federal Inspectorate, Item 241—Inspector of Schools—angka-nya 29 lelaki dan 5 perempuan— $29 + 5 = 34$. 34 orang menghadapi murid 750,000 orang tidak-lah dapat di-salahkan kepada mereka ini, sa-kira-nya pekerjaan Nadhir ini tidak dapat menjayakan tujuan asal, saperti sa-orang Ahli Yang Berhormat dari sa-belah sana telah menyatakan keraguan-nya apakah guna-nya Nazir ini semenjak

mereka itu di-adakan, sedang hasil pepereksaan anak kita lemah saperti dahulu juga? Tuan Yang di-Pertua, saya tidak-lah sampai ka-situ meng-agakkan. Pada fikiran saya tentu-lah ada guna Nazir ini, tetapi oleh kerana bilangan mereka 34 orang bagi seluroh Persekutuan Tanah Melayu dan memandang kapada bagitu banyak sekolah dengan jenis yang berlainan di-tempat yang berjauhan, saya rasa kita ada-lah meletakkan satu tugas yang mustahil dapat di-lakukan oleh bilangan yang kecil itu. Maka itu-lah, Tuan Yang di-Pertua, yang patut di-perhatikan oleh Kementerian supaya bilangan Nazir dapat di-betulkan dan di-tambah agak sa-suai dengan ma'kul-nya dalam menjalankan tugas mereka yang besar dalam kawasan dan angka murid yang besar.

Nazir² Bebas yang bertugas ini telah pula menyebabkan sedikit sa-banyak kesusahan di-dalam sistem atau susunan yang ada sekarang. Kita tahu bagi sa-buah sekolah mereka ada Pengelola, ada Nazir Bebas dan ada Guru Pelawat. Masing² ini melawat sekolah. Sa-orang guru menjadi "bola tendangan" bagi tiga ahli pendidekan yang berlainan dalam fikiran. Boleh jadi, Menteri Yang Berhormat mengatakan, ini tidak betul, tetapi saya mengatakan ini betul, sebab saya telah berjumpa beberapa sekolah yang bagini pengalaman-nya. Tuan Pengelola datang memberi shor-nya, datang pula Nazir Bebas memberikan shor-nya dan datang pula Guru Pelawat dengan chara-nya memberikan shor-nya. Ketiga² ini ada bersamaan, tidak jarang berlainan. Mereka ini, Tuan Yang di-Pertua, kadang² sampai mengatakan: "Oh. Jangan pedulikan hal dia, sebab awak bertanggung-jawab kapada saya." Hingga akhirnya jadi-lah guru ini merasa kalau ketiga² ini berlawanan, maka dia merasa biar-lah dia menchuba menjalankan menurut fikiran-nya sendiri, maka empat chara pengajaran berlaku dalam sekolah Persekutuan Tanah Melayu ini. Saya berharap supaya pada masa hadapan ini biar-lah orang yang merupakan tiga jenis ini benar² di-satukan dalam pandangan-nya.

Memang benar, Tuan Yang di-Pertua, konsep Nazir Bebas ini ia-lah mewujudkan perlawanan daripada keada'an biasa. Kalau dia sa-rupa dengan keada'an biasa apa guna dia Nazir Bebas? Tetapi, Tuan Yang di-Pertua, "Terlalu banyak tukang masak menyebabkan masakan kita itu tidak menyedapkan sa-siapa". Saya fikir hal ini dapat di-adakan dengan mengadakan "seminar" bagi orang ini sendiri membahathkan chara yang sa-suai bagi susunan pengajaran pelajaran dalam negeri ini.

Tuan Yang di-Pertua, sa-perkara yang besar tidak boleh di-tinggalkan pertimbangan-nya ia-lah perkara University of Malaya. Kita tahu daripada ucapan Yang Berhormat Menteri Muda Pelajaran bahawa University of Malaya ia-lah sa-buah University Kebangsaan yang pada masa ini di-tanggung perbelanjaan-nya oleh Kerajaan Persekutuan Tanah Melayu dan Kerajaan Singapura boleh jadi akan di-kenakan membayar di-atas sa-bahagian yang di-gunakan oleh murid²-nya itu. Beban yang di-kenakan atas Kerajaan Persekutuan Tanah Melayu di-dalam hal University of Malaya ini tentu-lah dapat di-saim-bangkan dengan hak yang di-lakukan oleh Kerajaan Persekutuan Tanah Melayu terhadap University ini.

University Kebangsaan ada-lah sa-buah University yang pusat pengajian-nya dan chara-nya kapada persesuaian pada dasar Kebangsaan, tidak sahaja soal bahasa menjadi soal tetapi soal isi pengajian di-dalam-nya. Sa-bagai sa-buah University tentu-lah penimbangan University ini memerlukan kebebasan. Sebab perputaran pelajaran itu akan dapat dari kebebasan pelajaran, akan tetapi bagi kita yang hendak mewujudkan satu pemusatan pengajaran dalam negeri ini penting-lah saya rasa Kerajaan Persekutuan Tanah Melayu mulai dari sekarang menyuarakan kapada University of Malaya supaya di-mulakan dalam University of Malaya itu pandangan² di-dalam pendidekan pelajaran dengan asas kapada negeri ini. Khas-nya yang ada di-dalam kebangsaan negeri ini dan

hususnya yang ada di-dalam siasah hidup negeri ini.

Kita tahu, Tuan Yang di-Pertua, Persekutuan Tanah Melayu ada-lah sa-buah negeri yang mempunyai kedudukan geographi yang tersendiri di-timor dan di-tengah² masyarakat. Maka amat-lah mustahak di-dalam pengajian yang di-ajar di-dalam University of Malaya ini di-bentuk pemikiran yang merupakan sipat asal bagi unsur kebangsaan negeri ini. Tidak-lah saya nafikan bahawa pengetahuan itu ada-lah soal international, soal yang tidak mengenal batasan-nya. Tetapi akan tidak sempurna-lah sa-buah University dalam penyesuaian-nya pada Dasar Kebangsaan sa-kira-nya di-lupakan asas kedudukan-nya. Ini, bermakna. Tuan Yang di-Pertua, bahawa pengajian di-University dengan di-dahulukan-nya di-dalam pengajian² timor dari Eropah maka hendak-lah di-wujudkan pengajian² pada umum-nya di-timbulkan. Chuba kita lihat di-dalam siasah jangan-lah hanya di-dalam bahagian² Islamic Study umpama-nya di-dalam bahagian² pengajian² China sahaja akan dapat keberatan atau perhatian kepada pengajian timor tetapi biar-lah pada kursus umum di-dalam menggunakan fikiran² sama ada fikiran² itu fikiran siasah, sama ada fikiran² itu fikiran pentadbiran, sama ada fikiran² itu fikiran taraf hidup biar-lah dimulakan dari sekarang ini dengan di-berikan pandangan timor yang ada di-sekeliling kita. Kursus umum tentu-lah tidak membahayakan tetapi penekanan kepada pelajaran yang bukan dalam negeri ini akan mengakibatkan serta mengikat negeri ini kepada kebudayaan yang asing daripada kebudayaan negeri ini. Penjajahan sudah pergi tetapi jangan-lah pula timbul penjajahan fikiran yang akan mengendalikan hidup kita dari sumber yang tidak dapat di-tinggalkan oleh penjajahan.

Tuan Yang di-Pertua, sa-lain daripada soal² itu, ada soal² yang kecil yang saya minta di-timbangkan ia-itu berkenaan dengan kemasokan budak² di-sekolah² dan berkenaan

dengan umur yang telah di-sebutkan oleh Menteri Yang Berhormat ini. Semalam saya mendapat talipon daripada Bachok kawasan saya. Kita tahu, Tuan Yang di-Pertua, bahawa umur bagi tahun 1962 telah di-naikkan kepada 13 tahun sa-bagai peringkat akhir di-sekolah. Tuan C.E.O., Ketua Pegawai Pelajaran Negeri Kelantan telah mengeluarkan siaran baharu² ini tidak membenarkan murid² darjah VI untuk mengulangi pelajaran lagi kiranya dia tidak lulus walau pun umurnya maseh di-kalangi 13 tahun. Tuan Yang di-Pertua, ini telah menyebabkan ibu-bapa di-sana dengan perintah yang di-keluarkan oleh tuan Pegawai itu maka timbul perasaan khuatir kepada ibu-bapa dan saya berharap supaya keadaan ini di-perbetulkan supaya dapat-lah murid² yang ada kelulusan umur-nya bagi meneruskan pelajaran-nya sa-tahun lagi.

Tuan Yang di-Pertua, satu daripada perkara yang saya hendak chakapkan di-sini, tadi telah di-sebutkan oleh kawan² saya berkenaan dengan Hostel. Saya tidak hendak menyebutkan kepentingan soal Hostel ini chuma saya hendak bertanya. Sub-head 26, Hostel ini pada tahun sudah peruntukan-nya ia-lah \$1,846,000 dan pada tahun ini \$1,246,011 jadi \$600,000 kurang-nya dalam tahun dahulu. Pada ketika kita hendak memajukan orang² Melayu di-dalam pelajaran, maka saya memandangkan ini ada-lah satu kesalahan yang besar apabila kita kurangkan peruntukan kepada Hostel ini. Sebab, Tuan Yang di-Pertua, dimana-lah harapan bagi budak² Melayu sa-kira-nya soal ini tidak di-tambahkan. Maka hal ini, Tuan Yang di-Pertua, harap-lah di-jelaskan oleh Kementerian ini dan di-betulkan sebab kepentingan-nya telah pun di-nyatakan oleh kawan² yang terdahulu daripada saya.

The Assistant Minister of Education (Enche' Abdul Hamid Khan bin Haji Sakhawat Ali Khan): Tuan Yang di-Pertua, hari ini ada-lah hari yang ketiga dalam perbahasan peruntukan belanjawan Kementerian saya. Dalam perbahathan ini ramai Ahli² Yang

Berhormat telah mengeluarkan pandangan² mereka dan kritik², sa-tengah² daripada kritik² itu ada-lah kritik² yang membena dan saya sambut dengan baik-nya. Dan juga ada sa-bilangan yang kecil yang membuat kritik² yang melampau² tidak patut di-keluarkan. Tuan Yang di-Pertua, saya akan chuba menjawab sa-tengah² daripada perkara² yang telah di-bangkitkan oleh Ahli² Yang Berhormat dalam masa membahathkan peruntukan ini sa-lama tiga hari.

Ahli² Yang Berhormat dari Pasir Puteh bertanya kenapa peruntukan wang kepada Muslim College Klang di-kurangkan ia-itu sa-banyak \$60,000 sahaja bagi tahun ini sungguh pun ada sa-banyak \$174,892 termasuk Department of Islamic Studies. Tuan Yang di-Pertua, saya suka-lah menyatakan di-sini ia-itu Muslim College sendiri telah meminta bantuan sa-banyak itu. Jadi, ini bukan-lah kesalahan bagi Kementerian saya kerana Muslim College berkehendakan sa-banyak itu saja.

Ahli Yang Berhormat dari Besut telah menyentoh di-atas perkara pendidekan akhlak. Saya suka hendak menyatakan di-sini bahawa Kementerian saya insaf dan sedar tentang peri mustahak-nya pendidekan akhlak dan bagi maksud ini-lah pendidekan ugama ada di-berikan di-sekolah².

AN HONOURABLE MEMBER: Hear, hear.

Enche' Abdul Hamid Khan: Pendidekan akhlak itu di-beri di-luar masa belajar di-adakan di-sekolah. Dengan rancangan yang demikian bukan sahaja kita dapat mendidik anak² bangsa kita mendapat kemajuan dari segi mata pelajaran tetapi nilai yang terpuji.

Dengan ada-nya lebeh bertambah lagi guru² Ugama sama ada di-peringkat Pelajaran Rendah mahu pun di-peringkat Menengah, saya berharap keada'an yang sa-macam ini bertambah² lagi baik-nya.

Ahli Yang Berhormat dari Padang Terap telah bertanya berkenaan dengan perlantikan guru² perempuan bagi guru² Ugama dan di-sini saya suka-lah memberitahu ia-itu guru² Ugama perempuan yang mengajar di-Sekolah² Rendah tentang lantikan-nya terpulang kepada tiap² negeri, oleh kerana soal Ugama ada-lah soal negeri. Kementerian saya juga ada rancangan untuk memberi latehan kepada guru² Ugama di-peringkat Menengah dan sa-kira-nya ada guru² perempuan yang ada kebolehan untuk mengajar di-Sekolah Menengah mereka itu juga akan dapat.

Ahli Yang Berhormat dari Pasir Puteh, soal Yang Berhormat ini berkenaan dengan perenggan 74 daripada Penyata Jawatan-Kuasa Menimbang Bantuan kepada Sekolah² Ugama yang bukan Kerajaan. Perenggan 74 berbunyi: "Kami mengeshorkan....."

Enche' Mohamed Asri bin Haji Muda: Bagi penjelasan, Tuan Yang di-Pertua, perenggan 78 bukan 74.

Enche' Abdul Hamid Khan: Di-sini, saya bachakan perenggan 74 dahulu, kemudian perenggan 78. Perenggan 74 itu berbunyi:

"Kami mengeshorkan supaya di-pohon persetujuan Duli² Yang Maha Mulia Raja² Melayu bagi mengadakan sa-buah Jawatan-Kuasa Penasihat Pelajaran Ugama kepada Menteri Pelajaran. Jawatan-Kuasa ini hendak-lah mengandongi wakil² daripada tiap² negeri Melayu, Settlement dan pertubohan² orang ramai yang berkenaan dengan pelajaran Ugama serta College Islam".

Oleh sebab Raja² Melayu sudah pun ada satu Jawatan-Kuasa Tetap berkenaan dengan perkara² Ugama maka yang di-fikirkan apa² perkara yang patut di-timbangkan oleh Jawatan-Kuasa Penasihat Pelajaran seperti yang di-chadangkan boleh-lah di-rojo'kan bagi timbangan Jawatan-Kuasa Tetap berkenaan dengan perkara² Ugama.

Perenggan 78 berbunyi:

"Kami mengeshorkan dengan kuat-nya supaya di-adakan satu Undang² khas bagi

pendaftaran Sekolah², guru² kelolaan dan sa-bagai-nya yang mengena² Sekolah² Ugama ini. Shor ini harap di-timbang-kan”.

Ahli Yang Berhormat dari Kuala Trengganu Utara menchadangkan supaya di-adakan satu Jawatan-Kuasa Istimalah Ugama di-dalam Dewan Bahasa dan Pustaka. Perkara ini akan di-timbangan. Bagitu juga dengan chadangan ia-itu Dewan Bahasa dan Pustaka patut mengeluarkan Kitab² Ugama. Berkenaan dengan chadangan ia-itu guru² hendak-lah di-ambil untuk mengajar Ugama Islam di-Sekolah Menengah dan hendak-lah di-ambil juga orang² yang berkelulusan tinggi daripada Mesir atau pun Indonesia. Maka sa-kira-nya kelulusan guru itu di-taksirkan tidak kurang daripada College Islam maka sayugia-lah di-timbangan. Ada-lah kelulusan tinggi daripada College Islam itu chuma menjadi satu mata pengukur. Berkenaan dengan guru Ugama untuk mengajar di-Sekolah Tun Fatimah, boleh-lah di-pilih guru² yang berkelulusan College Islam dan oleh kerana guru² daripada College Islam sudah di-atorkan mengajar di-Sekolah Menengah di-Melaka, maka perkara itu akan di-timbangan.

Berkenaan dengan Sukatan Pelajaran di-Sekolah² Ugama Islam yang bukan Kerajaan perkara itu sudah pun di-siapkan. Berkenaan dengan perenggan 74 sudah kita bachakan.

Yang Berhormat dari Jelebu: Beliau itu bertanya boleh-kah murid² yang tidak dapat masuk peperiksaan MSSE, oleh kerana satu² sebab di-terima masuk dalam Post-Primary School. Di-sini, Tuan Yang di-Pertua, jawab-nya boleh, tiap² anak yang telah tamat pelajaran hingga akhir tahun yang keenam dalam Sekolah Rendah di-berikan peluang masuk ka-Sekolah² Lanjutan. Beliau itu juga bertanya boleh-kah murid² dalam Post-Primary School yang belajar di-situ dalam tahun yang pertama untuk masuk di-terima sa-mula kepada Sekolah² Academic. Jawapan-nya, Tuan Yang di-Pertua, boleh di-timbangan sa-kira-nya ada bukti² tentang kebolehan

dan kechergasan istimewa otak mereka itu untuk masuk semula ka-darjah yang tersebut. Dan juga mereka ini mesti-lah dalam tempoh umur yang terhad.

Yang Berhormat dari Batu Pahat Dalam menyatakan hal penempatan guru² Maktab Latehan dan berharap guru² itu dapat di-tempatkan di-kampung masing², lebeh² lagi kalau guru² perempuan yang belum lepas, dan juga bagi membolehkan guru² itu menambah pengetahuan-nya. Tuan Yang di-Pertua, Kementerian saya memang-lah menchuba sa-daya upaya untuk menempatkan guru² itu mengikut pilihan masing². Tetapi pula pilihan itu tidak-lah dapat di-jadikan satu pertimbangan utama kerana pertimbangan utama ia-lah di-mana khidmat guru² itu di-kehendaki, dan di-tempat itu-lah kita hantarkan. Kementerian saya lebeh lagi memandangkan fa'edah² untuk menghantarkan sa-saorang guru² itu ka-sasuatu tempat yang tertentu di-mana perkhidmatan-nya di-kehendaki dan sa-lepas itu baharu-lah di-timbangan pula kehendak² guru² itu.

Ahli Yang Berhormat dari Kuala Trengganu Utara Bagi pengetahuan-nya, Jawatan-Kuasa Menyiasat Kelemahan Murid² Sekolah Kebangsaan telah tertubuh sa-bagai Jawatan-Kuasa yang terdiri daripada pegawai² Kementerian dengan tujuan mengadakan penyiasatan bagi panduan kepada Menteri Pelajaran. Usaha mengator dan menyusun pelajaran kebangsaan di-sebabkan taraf-nya tidak-lah di-fikirkan mustahak menjadikan penyata ini, bagaimana pun saya dapat menyatakan di-sini bahawa beberapa shor Jawatan-Kuasa itu ada-lah telah di-jalankan dan sedang di-jalankan di-antara-nya ia-lah usaha meninggikan kelayakan akedemik guru² di-sekolah² kebangsaan.

Ahli Yang Berhormat akan faham bahawa Kementerian ini sungguh pun tidak mengemukakan penyata itu ada-lah berikhtiar melaksanakan shor² yang ada dalam penyata itu. Pinjaman guru kepada Sekolah Ugama Perak. Kementerian saya bersimpati dengan

hal jawatan di-Sekolah Menengah Ugama Perak itu dan akan membantu apa yang boleh oleh kerana Kementerian saya juga kekurangan guru akedemik bagi ranchangan Sekolah Menengah Melayu.

Ahli Yang Berhormat dari Muar Dalam: Berkenaan dengan Bulan Bahasa, saya ucapkan terima kasih di-atas perhatian² yang di-beri itu ia-itu sambutan² yang tidak sempurna yang di-katakan itu, maka sememang-nya-lah Jawatan-Kuasa mesuarat akan mengambil tindakan yang sewajar-nya supaya dapat kita mengatasi apa² halangan yang akan merupai mengurangkan sambutan Bulan Bahasa itu, dan kita akan menchuba dengan sedaya upaya pada tahun ini untuk lebeh menggiatkan dan menggalakkan.

Ahli Yang Berhormat dari Batu Pahat Dalam: Yang sa-betul-nya dalam sekolah negeri Johor berkenaan dengan pelajaran ugama belum lagi dapat di-laksanakan mengajar ugama Islam dalam sekolah² yang mendapat bantuan, oleh sebab ada kerumitan sedikit bersangkutan dengan pentadbiran tetapi apabila di-adakan pelajaran ugama Islam di-sekolah dalam negeri Johor maka sudah tentu pelajaran ugama Islam akan dapat di-adakan di-sekolah² yang sa-demikian sama ada di-sabelah pagi atau di-sabelah petang.

Ahli Yang Berhormat dari Besut: Langkah telah pun di-ambil supaya memberi pengawasan yang sempurna kepada pelajar² Melayu di-semua negeri dan yang sekarang ini belajar dalam negeri Masir dan bukan sahaja di-London, United Kingdom dan Australia, tetapi kalau Ahli Yang Berhormat itu melihat Sub-head 92 (11) ada di-nyatakan, "Other Overseas Malay Student Centres."

Ahli Yang Berhormat dari Kuala Trengganu Utara: Berkenaan dengan chadangan mengadakan Jawatan-kuasa Istilah Melayu, saya sudah terangkan. Ahli Yang Berhormat dari Dungun: Berkenaan dengan guru² sementara. Guru² ini kebanyakan-nya guru² yang kurang kelayakan.

Peluang dan kesempatan bagi mereka menambahkan ilmu sama ada belajar sendiri atau pun masok kelas² lanjutan, yang sedia ma'alum, di-adakan di-merata² tempat. Ini terpulang-kah kepada mereka itu untuk berusaha dan jikalau kelayakan akedemik mereka itu sepatut-nya sa-bagaimana yang kita kehendaki permohonan² mereka untuk belajar dan masok maktab² atau pun Pusat² Latehan akan dapat di-timbangkan. Berkenaan dengan domestic science atau pelajaran rumah-tangga: Ranchangan bagi mengadakan pelajaran urusan rumah-tangga akan dapat di-adakan dalam tahun 1962 ini dan butir² akan di-dapati dalam Anggaran Perbelanjaan Kementerian ini ia-itu di-muka surat 102, Sub-head 58 peruntokan sabanyak \$941,000 di-mana ada termasuk domestic science.

Berkenaan dengan rayuan Ahli Yang Berhormat itu tentang Taman Kanak²: Pelajaran ini di-buat di-luar. Dalam ranchangan pelajaran yang ada sekarang ini lebeh mustahak lagi kita mengadakan pelajaran bagi anak² yang berumur dari 6 tahun ka-atas, kerana Puan Yang Berhormat tentu tahu wang pendapatatan atau hasil Nagara ada-lah terhad dan patut-lah kita menggunakan wang itu untuk pelajaran² yang lebeh sa-suai lagi.

Ahli Yang Berhormat dari Tanah Merah: Tidak ada perbeza'an di-antara sekolah jenis kebangsaan dengan sekolah² kebangsaan. Kementerian saya suka menyatakan di-sini bahawa segala usaha ada-lah di-jalankan bagi meninggikan darjah pelajaran di-sekolah² kebangsaan bahkan memang keperchayaan Kementerian saya bahawa meninggikan darjah ini bergantung kepada pelaksanaan dasar pelajaran sa-bagaimana telah saya katakan dalam ucapan saya. Kementerian saya telah dan sedang pun menjalankan segala usaha untuk menaikkan darjah pelajaran di-sekolah kebangsaan ini.

Kursus Pentadbiran bagi Lembaga² Pengurus, Kursus yang demikian walau pun tidak ada peruntokan khas ada-lah di-jalankan dan di-galakkan,

bahkan di-satengah² negeri kursus yang demikian telah pun di-jalankan dalam tahun 1959. Saya sedar tentang sebab² mundor-nya sekolah kebangsaan sa-bagai berpuncha daripada guru, ibu-bapa, pentadbiran dan lain². Yang Berhormat Menteri Pelajaran yang melantek Jawatan-Kuasa yang menyiasat hal kelemahan sekolah² kebangsaan ini ada-lah mengkaji shor² yang telah di-buat oleh Jawatan-Kuasa itu, dan saya perchaya perkara ini akan di-baiki dari semasa ka-semasa dan sudah pun di-mulakan.

Banyak Ahli Yang Berhormat berchakap berkenaan dengan scholarships. Saya suka jelaskan tidak-lah dapat di-beri bantuan dengan sa-penoh-nya kepada semua murid². Bagaimana pun, scholarship yang ada sekarang ini ada-lah di-beri daripada perengkat yang sa-rendah²-nya sampai sa-tinggi²-nya. Mithal-nya, di-perengkat Negeri ada State Scholarships, di-perengkat Sekolah Menengah ada pula Federal Minor Scholarships, di-perengkat Pre-University Classes (Form VI) kita ada Pre-University Scholarships dan bagitu juga di-perengkat tinggi atau university, ada Bursary dan Scholarship. Akan tetapi, sudah tentu-lah tidak dapat di-beri scholarship kepada tiap² penuntut itu, dan ibu-bapa hendak-lah berusaha sa-berapa banyak yang boleh untuk membantu dalam persekolahan ini.

Yang Berhormat dari Perlis Selatan telah berchakap tentang scholarships bagi penuntut university di-saberang laut. Untuk melanjutkan pelajaran di-university² di-seberang laut scholarship memang telah pun di-beri kepada penuntut², dan ini akan di-teruskan. Berkenaan dengan memberi pinjaman wang untuk membantu penuntut² yang tidak mampu untuk melanjutkan pelajaran-nya di-university², sama ada dalam negeri atau pun di-luar negeri, chara ini memang ada dahulu, tetapi telah pun di-rentikan oleh F.E.O. Dan Kementerian saya sekarang ini sedang mengkaji satu chara untuk menyenangkan di-atas soal yang sa-macam itu.

Yang Berhormat dari Setapak bertanya ada-kah peruntokan \$500 untuk membeli surat khabar dan sa-bagai-nya itu chukup bagi Malayan Students' Department, London. Pada tahun yang lepas (1961) kita telah memberi satu peruntokan sa-banyak \$643 tetapi wang itu, Tuan Pengerusi, tidak di-habiskan oleh Malayan Students' Department, London. Jadi oleh kerana itu kita fikir jikalau wang \$643 tidak dapat di-habiskan tentulah sia² sahaja; itu sebab kita kurangkan. Akan tetapi sa-kira-nya ada sokongan dan permintaan untuk dilebehkan, daripada pegawai yang menjaga Malayan Students' Department, London, perkara itu akan di-timbangan.

Yang Berhormat dari Pontian Selatan membangkitkan perkara Kutub Khanah di-sekolah². Buku² untuk Kutub Khanah ada-lah bagi sekolah² itu membeli sendiri dengan menggunakan wang daripada O.C.A.R. Sa-bagaimana Ahli Yang Berhormat itu ma'alum kedua² sekolah ia-itu Sekolah Tun Fatimah Durian Daun, Melaka, dan Malay Girls College, Kuala Lumpur, apabila pindah kepada bangunan baharu-nya di-Johor Bharu dan Seremban, akan mempunyai bilek Kutub Khanah yang khas dan yang ada kemudahan untuk menyimpan buku² yang lebeh sempurna lagi.

Berkenaan dengan buku sejarah Nabi Muhammad s.a.w.: Kementerian saya sedar ada-nya buku² yang mengandongi isi² yang salah berhubung dengan riwayat Nabi Muhammad s.a.w. itu. Buku² yang demikian harus saya jelaskan bukanlah buku² yang Kementerian saya mengirinkan, tetapi di-beli dan di-pilih sendiri oleh Guru Besar yang berkenaan. Bagi mengatasi masa'alah itu satu peratoran sedang di-timbangan bagi mengator chara pemilehan buku² bagi kegunaan sekolah².

Berhubung dengan penubohan darjah² menengah yang di-bangkitkan oleh Yang Berhormat dari Kulim Utara, itu harus di-asaskan mengikut bilangan murid. Sa-berapa yang boleh

darjah² yang tersebut akan di-adakan di-sekolah² tempatan, kalau tidak maka di-beri tempat di-sekolah lain. Yang Berhormat itu banyak menyatakan hal pelajar Form IV, V dan VI di-Kulim. Saya perchaya masa'alah ini akan dapat di-selesaikan jika perkara itu di-rundingkan dengan pehak Ketua Pegawai Pelajaran Tempatan.

Yang Berhormat dari Kuala Kangsar mengemukakan perkara buku pelajaran. Kementerian saya sedar tentang tidak chukup-nya wang yang sa-banyak di-peruntokan itu. Tetapi, Tuan Pengerusi, peruntokan yang sa-banyak itu ada-lah hanya bertujuan untuk memberi bantuan membeli sa-bahagian daripada buku² yang dapat di-beli, dan tidak-lah bermaksud untuk membeli buku bagi tiap² sa-orang murid sekolah.

Yang Berhormat dari Temerloh ada membangkitkan soal Assistant Organiser of Chinese School. Saya sendiri tentu-lah tidak bersetuju dengan sikap yang di-katakan itu, sa-kira-nya benar. Perkara itu elok-lah sangat bagi Ahli Yang Berhormat itu membawa kepada pengetahuan Immediate Superior Officer bagi pegawai yang tersebut supaya perkara itu dapat di-siasat.

Murid² yang rendah umur-nya ia-itu murid² yang tidak lulus M.S.S.E. untuk masuk ka-peringkat darjah menengah, murid² yang tidak lulus dalam M.S.S.E. tahun 1961 dan ini kali yang pertama-nya mereka masuk peperiksaan, boleh-kah mengulang darjah VI sa-kali lagi, Yang Berhormat ini bertanya. Murid² yang masuk darjah VI sa-kira-nya mereka itu tidak lulus dalam peperiksaan meningkat ka-darjah menengah mereka itu tidak-lah di-benarkan, sungguh pun umur-nya rendah. Tetapi sa-kira-nya ada satu² sebab yang tertentu boleh-lah warith-nya atau ibu-bapa murid² itu membuat rayuan dengan menyebutkan alasan²-nya.

Berkenaan dengan sekolah² anak² orang Asli: Bukan-lah menjadi dasar kita untuk mengasingkan anak² orang

Asli dan ada tempat² di-mana anak² orang Asli belajar bersama² dengan anak² orang Melayu. Ahli Yang Berhormat ini juga telah membangkitkan berkenaan dengan Sekolah² Pelajaran Lanjutan dan Sekolah² Lanjutan Kampong. Peluang bagi murid² dalam Sekolah Lanjutan Kampong untuk memasokkan semula dalam pelajaran academy telah pun saya terangkan tadi.

Ahli Yang Berhormat dari Muar Dalam: Berkenaan dengan Bulan Bahasa; ini pun telah saya terangkan.

Ahli Yang Berhormat dari Batu Pahat Dalam: Sa-betul-nya di-dalam sekolah² dalam negeri Johor saya sudah cheritakan berkenaan dengan pelajaran agama dan ta' payah-lah saya ulang balek.

Ahli Yang Berhormat dari Besut: Langkah telah pun di-ambil memberikan pengawasan yang lebeh sempurna kepada pelajar² Melayu dari semua negeri yang sedang belajar di-luar negeri termasuk Masir.

Berkenaan dengan bangunan khas bagi guru² Muslim College Klang: Saya dukachita menyatakan bukan dalam tanggung-jawab Kementerian saya. Berkenaan dengan tangga gaji bagi guru² agama pada masa sekarang ini memang ada tangga gaji bagi guru² di-Muslim College. Tetapi bagi tangga gaji guru² dalam tiap² negeri pada masa sekarang ini ada-lah negeri itu sendiri yang mengawal-nya.

Quota bagi penuntut² Melayu: Tuan Yang di-Pertua, perkara ini telah pun di-bangkitkan oleh Ahli Yang Berhormat dari Larut Utara di-mana beliau itu menhadangkan supaya quota di-tentukan bagi penuntut² Melayu di-University of Malaya. Bagi menjawab-nya, sungguh pun Kementerian saya di-dalam membuat peruntokan bagi University of Malaya, University of Malaya ini ada-lah satu badan yang berkuasa penoh mengikut Undang² University of Malaya tahun 1961 yang baharu kita luluskan itu. Mengikut section 47 Undang² University ada terchatit

di-mana di-nyatakan penuntut² tidak di-terima masuk University melainkan mereka itu memenohi syarat² yang di-tentukan. Ahli Yang Berhormat itu tentu-lah sedar bahawa masa ini ada quota bagi pemberian biasiswa² dan ini sudah tentu lebeh lagi akan memberi peluang kepada anak Melayu yang ada kelulusan untuk mendapatkan biasiswa ini. Sa-bagai-mana yang telah saya terangkan dalam ucapan saya pada masa saya mengemukakan usul ini, saya telah terangkan satu chara baharu bagi biasiswa² untuk memperbaiki keada'an² sekolah kebangsaan terutama sa-kali sekolah² di-luar bandar dengan mengadakan lebeh banyak lagi alat², mengadakan bangunan² baharu dan sa-bagai-nya. Dengan chara ini sudah tentu-lah, Tuan Yang di-Pertua, pelajaran dalam sekolah² ini dengan ada-nya guru² yang terlatah saperti yang telah saya terangkan, sudah tentu murid² yang akan keluar dari sekolah² kebangsaan itu di-masa hadapan lebeh baik lagi pengetahuan mereka itu. Dan dengan ada-nya satu asas yang kuat dan kokoh sa-macam itu, saya yakin dan perchaya anak² kita Melayu sudah tentu boleh bertanding bersama² dengan anak² orang lain.

Berkenaan dengan Nazir Bebas: Tuan Yang di-Pertua, Nazir Bebas ini ada-lah pegawai sekolah dan bilangan mereka itu ada-lah satu bilangan yang tertentu dan sekolah² yang mereka ini mesti melawat ada-lah beribu². Jadi, sudah tentu Nazir Bebas ini tidak dapat melawat semua sekolah dalam sadikit masa. Tiap² sa-orang Nazir Bebas yang melawat sekolah² ada membuat laporan untuk pandangan² kepada Menteri sendiri dan juga salinan² itu di-hantarkan kepada Guru² Besar, Pegawai² Pelajaran Negeri dan juga Setia² Usaha Lembaga dan Pengurus sekolah² itu untuk panduan dalam perkara² yang patut di-baiki dan sa-bagai-nya.

Ahli Yang Berhormat itu di-dalam ucapan-nya menyatakan ada dua tiga kumpulan yang pergi memeriksa sekolah² itu ia-itu Nazir² Bebas, Pengelola Sekolah, Guru² Pelawat dan

sa-bagai-nya. Dan ada kala-nya nasehat² yang di-berikan kepada sekolah² ini bertentangan. Perkara ini harus boleh jadi pada sa-tengah² tempat dan saya akan mengambil perhatian.

Ahli Yang Berhormat dari Seberang Utara, telah membangkitkan dan bertanya kenapa-kah tidak ada satu peruntokan wang bagi Pengakap atau Scout dan Girl Guide. Di-sini, Tuan Yang di-Pertua, saya suka hendak menyatakan ia-itu Kementerian saya ada-lah bertanggung-jawab di-atas perkara ini hingga tahun 1959 kalau saya tidak silap. Tetapi peruntokan ini telah pun di-pindahkan kepada Kementerian Health and Social Welfare. Jadi perkara ini tidak lagi dalam tanggung-jawab Kementerian saya.

Ahli Yang Berhormat dari Pasir Puteh telah membangkitkan soal expatriation pay ia-itu gaji² bagi pegawai² dagang. Beliau telah bertanya kenapa-kah pada tahun ini peruntokan-nya besar ia-itu sa-banyak \$215,740 wal-hal pada tahun 61 hanya \$65,184. Bagi menjawab-nya saya suka menerangkan ia-itu pada tahun 1961 expatriation pay itu di-masokkan di-dalam peruntokan wang di-bawah beberapa kepala, umpama-nya kalau kita pandang pada muka 84, 85, 86, 88, 89, 90, 91, 92, 93 dan sa-terus-nya 96, ada peruntokan wang bagi expatriation pay bagi tahun 1961, tetapi di-tempat itu sekarang ini kosong, tidak ada peruntokan wang pada tahun 1962. Ini berma'ana semua-nya itu sudah di-kumpulkan di-bawah satu kepala sahaja yang berjumlah semua-nya \$215,740. Ini bukan-lah berma'ana bertambah banyak.

Bekenaan dengan automatic promotion, beberapa Ahli Yang Berhormat telah membangkitkan perkara itu, termasuk-lah Ahli² Yang Berhormat daripada bangsa² asing, rasa saya perlu saya jawabkan.

Mr. Chairman, Sir, the Honourable Member for Seberang Utara raised the question of automatic promotion and, as I mentioned just now, a

Sir, I think I have covered all the points and answered all of them. (Applause).

Question put, and agreed to.

The sum of \$223,513,335 for Head 15 ordered to stand part of the Schedule.

Heads 16-18:

The Assistant Minister of the Interior (Enche' Mohamed Ismail): Mr. Speaker, Sir, it is my privilege to introduce the Estimates for the Ministry of External Affairs on behalf of the Minister, and with your permission I would like to move three Heads of Estimates, including Head 16: Ministry of External Affairs; Head 17: Immigration; and Head 18: Pilgrimage at one time, as these three subjects fall within the portfolio of the Ministry of External Affairs. I will, however, deal with each of the three Heads individually.

Mr. Speaker: Would you please tell me the total amount for the three Heads?

Enche' Mohamed Ismail: The total amount for the three Heads is \$8,256,408.

Mr. Speaker: Proceed.

Enche' Mohamed Ismail: Now I will start with Head 16: Ministry of External Affairs. It will be noted from the estimates that expenditure for the Ministry of External Affairs for 1962 shows an increase of about \$900,000 over the expenditure for the same period in 1961. As it has been said previously, with the assumption of a more important role on the part of the Federation of Malaya in international affairs there is need to intensify the effort made by the Ministry of External Affairs. For not only has the Federation of Malaya continued to play an active role through the United Nations in the Congo but it has in the past year initiated and finally brought to realisation an attempt at closer economic, cultural and social co-opera-

tion amongst States in the South East Asia region. Indeed the Association for South East Asia was founded on 31st July, 1961 and its first meeting of economic experts was held in Kuala Lumpur in October, 1961. Also on the international plans albeit of somewhat a different nature, the programme of Malaysia has been a subject of some intense activities.

To bring about closer co-operation and understanding with other States, visits by various Ministers to foreign countries had also been undertaken in the course of the last year, culminating in the visit of His Majesty the Yang di-Pertuan Agong and the Raja Permaisuri Agong to India and Pakistan.

It is inevitable therefore that with these increased activities on international relations that there should be a corresponding increase in the personnel necessary for running the Ministry of External Affairs as well as other administrative costs. However, as I shall explain in greater detail, every attempt had been made to limit expenditure to the barest minimum considered necessary but consistent with the policy of intensifying activities envisaged for the current year.

Expenditure under Head 16: Ministry of External Affairs may best be examined under its three different groupings:

- (a) Personal Emoluments;
- (b) Annually Recurrent Expenditure;
- and (c) Special Expenditure.

On Personal Emoluments the expenditure for 1962 represents an increase of \$461,563 over that of 1961. The major factors contributing to this increase are as follows:

In order to implement the agreement reached between the three contracting States, the Federation of Malaya, the Republic of Philip-

pires and Thailand on closer economic, cultural and social co-operation, it is necessary to establish a Secretariat for the purpose of carrying out the proposals agreed to by the Association for South East Asia as well as to continue to liaise with these two other countries on further areas of co-operation. Thus it is necessary to have a Secretariat made up of a Secretary, an Assistant Secretary, as well as a number of other staff.

The next major item of increase in Personal Emoluments is the establishment of an Embassy in the Federal Republic of Germany. The total cost of salaries for personnel in this Embassy amounts to \$218,618. It must be said that the establishment of the Embassy in Bonn was intended originally for 1961 but due to staffing difficulties it is necessary to re-schedule the establishment of this Mission in the course of the current year. No provision has been included for Special Expenditure to be incurred for this Mission in the printed estimates but this would be presented for approval of this House as and when a final date for the establishment of this Mission is determined.

In the Ministry itself it is also found necessary to increase a number of staff. The Political and Information Division of the Ministry, which has hitherto been under the supervision of our Principal Assistant Secretary, has to be expanded to cope with the greater volume and pressing pace of work. The Division consists of six Political officers and two others dealing with the direction of information policy. Supervision of this Division by one Principal Assistant Secretary cannot, under any circumstances, be satisfactorily and effectively undertaken. Thus it is necessary in the interest of efficiency and effective work to split the Division into two, one dealing with political subjects under the charge of a Principal Assistant

Secretary (Political) and the other by a Principal Assistant Secretary (Information).

Other increases of staff in the Ministry are:

Item 13—An Executive Officer;

Item 22—2 Stenographers;

Item 23—1 Special Grade Clerk
& 5 Timescale Clerks;

Item 24—1 Cypher Officer;

and Item 26—1 Typist.

This increase of staff together with a corresponding increase in Cost of Living Allowance, Housing Allowance, Contribution to the Employees Provident Fund, Transfer Grants and Overtime payment make up the anticipated increase of expenditure for 1962 of \$83,187.

One new post of Stenographer (home-based) is created for the Embassy in Washington against the deletion of one post of Clerk/ Typist (locally-recruited). This is necessary in view of the increasing volume of work that is necessary for the Stenographer (home-based). This together with the additional overseas allowance and normal increments of the salary of the staff make up an increase of anticipated expenditure of \$8,000.

Similarly, an additional home-based Stenographer is considered to be necessary for the High Commission in Canberra. Additional expenditure for this officer together with normal increases in salary and allowances account for an anticipated increase of expenditure of \$11,000.

In the Consulates in Medan and Jeddah the volume of administrative work has so increased that it is now found necessary to have an additional home-based officer in each of these two posts to deal with the routine aspect of this work so that the Consul could have more time to deal with the other more important work. Hence, the creation of a post of Executive Officer in each of them. The salaries and allowances for these two additional

posts together with normal increments of the staff account for an increase of about \$20,000 in anticipated expenditure.

With the growing importance of the Embassy in Paris which has now jurisdiction over Switzerland it is necessary to have an officer of First Secretary grade to replace one of the Second Secretaries. This change together with the other normal increases in salaries and allowances have resulted in an anticipated increase of expenditure of about \$20,000 for 1962.

It is also found necessary for the effective functions of the High Commission in Karachi that a First Secretary be appointed in lieu of the Second Secretary. Hence the post of First Secretary is created against the deletion of the post of Second Secretary with a resultant increase of expenditure of about \$9,000 in salary and overseas allowance.

Other increase in expenditure under Personal Emoluments represent normal increments of salaries of officers,

overseas allowances and housing allowances.

To sum up the actual increase in staff is only in respect of the National Secretariat for ASA, the Embassy in Bonn, one Principal Assistant Secretary (Information), one Executive Officer and 10 other subordinate staff in the Ministry as well as upgrading of two posts in Paris and Karachi. This increase is indeed rather small in relation to the greater effort that is being made in the Federation's role in international activities.

Mr. Chairman: Order, order! The time is up.

House resumes.

Mr. Speaker: Honourable Members, I have to report that the Committee of Supply has been considering the Supply Bill, 1962, and has reached up to Head 15 of the Schedule to the Bill. The House is adjourned until 9.30 a.m. tomorrow.

Adjourned at 6.30 p.m.